



सानसेयारि **“बड'सा”** खरीर्लाइयाव  
समाज्यादि जिज्जो लोब्बा थानाय रायथाय, खन्थाय,  
सल', सल'बाथा आरो दावबायारि थावनि, पार्क  
बाइदिनि सायाव लिन्नाय लिन्बिदां दैथाय हर्/  
सानसेयारि **“बड'सा”** खरीर्लाइया सेबखानाव  
फोखावोन/  
बड'सायाव लिन्हर्नायनि हुदा खालाम,  
**“बड'सा”** खरी नोथो, जौ बयबो आंगो खालाम/  
**सानसेयारि बड'सा मावखुलि**  
माइबं नोगोर, जोहोलाव देमालु लामा  
कक्राझार, बिटिसि-783370  
Website: [www.bodosanewspaper.com](http://www.bodosanewspaper.com)

BODOSA ★ A Bodo News Daily ★ Sunday ★ 27 April, 2025 Kokrajhar, BTC, Assam ★ Vol.- 35, Issue No.32 ★ R.N.I.Regd.No.40994/91, Assam Govt.Regd.No.IPRD.40/2006/3, Rs.8/-

# स्पीड पस्ट

Assam Postal Circle

© f @ @cpmgassam



बांसिन ग्राहकफोरनि थाखाय

- बुक नाउ पे लेटार
- फ्री पिकअप
- नोजोर बोनो हाथाव 30% रेहाय
- केस अन डेलिभारि
- कर्प 'रेट' एकाउन्टनि मुलाफ्फा



नोंथानि दिहुन्थाय बेसादखौ गासै हादतआवनो दैथायहरनायनि साबसिन राहा

पस्टेल डिभिजननि फोनांजाब:

काछार: 9954218838, दर: 9706494845, डिबुगड़: 9435038085, गवालपारा: 9386018655, गुवाहाटी: 8860713507, नगाव: 9707489303, नलबारि: 9707461440, RMS 'GH': 6003484526, RMS 'S': 9774717621, सिबशागर: 8399863882, तिनचुकिचा: 9613466933

तामुलपुर जिल्लानि दाब-दाब जायगायाव जौगाथाइनि खामानि  
मावनायखौ बेखेवदों बिटिआरनि गाहाइ खुंगिरि प्रमद बर'आ

हादरनि राजथावनियाव बड'फानि मुसुखा आरो लामानि  
बिमुं होनो हानाया जौनि थाखाय गोन्गाथाव: प्रमद बर'

बड'सा थान्दै/तामुलपुर, 26  
एप्रिल: तामुलपुर जिल्लानि  
दाब-दाब जायगायाव बिटिसि  
सरकारनि बाजेटजो लुफुंजनाय  
आरो गोदानै लुफुंनो थाखाय  
जौगाथाइनि खामानि  
मावनायखौ बेखेवदों बि टि  
आरनि गाहाइ खुंगिरि प्रमद बर'  
आरो एम एल ए जलेन  
दैमारिआ। तामुलपुर जिल्लानि  
राइजो-राजाफोरनि थाखाय  
लामा हान्थिनाय आरो इसोरखौ  
(□ 6 बिलाइआव)



बड'लेण्ड मुलुग सोलोंसालियाव 50थि गंगोना थुनलायारि जथुम्मा खुंदों

फरायनाय हुदाखौ बांहो, नोंनि रोंगौथि आरो नोंनि  
मेलेमखौ सिखावआ खावना लानो हाया: इन्दिरा बर'

कक्राझार, 26 एप्रिल: बि टि  
आरनि गाहाइ राजथावनि  
कक्राझारनि देबोरगावआव  
थानाय बड'लेण्ड मुलुग  
सोलोंसालियाव दिने 50थि  
गंगोना थुनलाइयारि जथुम्मा  
खुंदों। हाबाफारि बायदियै  
फु'बिलि समाव आफादिनि  
फिरफिलाखौ बिरहोयो ड  
बिजितगिरि बसुमतारिआ आरो  
बिफाननि फिरफिलाखौ  
बिरहोयो बर' बिफाननि  
बिबुंगिरि ड इन्दिरा बर'आ।  
(□ 6 बिलाइआव)



आसामनि गामि ओन्सोलफोराव हरनि  
स्कूल खुलिनाय जागोन: गिबि मन्थि

गुवाहाटी, 26 एप्रिल: पन्चायत बिसायख 'थिनि  
थाखाय राइज्योआरि बिजेपिआ बानायनानै  
दिहुन्नाय समाइ लाइ बेखेवनाय हाबाफारियाव  
बाहागो लानानै गिबि मन्थि हिमन्त बिश्व शर्माआ  
गोबांथार बिबुंथि लाखिनानै माखासे थांखिफोरखौ  
फोसावनानै होयो। गुबैयै राइज्योनि सोलोंथाइ  
खोन्देखौ लानानै (□ 6 बिलाइआव)



पेहेलगामनि जाथायखौ लानानै बिपिएफआ कक्राझारआव हेंथा सोमावसारनानै मान बाउदों  
गाहाइ मन्थिनि हेंथायै पस्ट होनायनि अरां कंग्रेस आफादगिरिखौ जेलआव  
आमिनुल इस्लामआ पाकिस्तानजौ लोब्बा दडः  
बिपिएफनि मिरु बुंथिगिरि बेगम आकतारा आहमेद



कक्राझार, 26 एप्रिल: जम्मु-काश्मीरनि गोमानाय सुबुंफोरनि जिउमा गोजोननि जिल्ला बिपिएफनि आफादगिरि देहासात पेहेलगामआव उतखारिफोरा सुबुं  
पेहेलगामआव उतखारिफोरा इनायै थाखाय दिने बिपिएफ दोलोआ बसुमतारि, आगु मन्थि प्रमिला रानि ब्रह्म, सिथारलुंनय जाथायखौ खौसेयैनो  
गावगलुंनानै सा 28 दावबायारिफोरखौ बिलिफांआव मोनसे मान बाउनाय बिपिएफनि नेहाथारि कमल आजाद आरो सोंखारिदों। बिपिएफ दैदेनगिरिफोरा  
सिथारलुंनय जाथायनि हेंथायै आरो जिउ हाबाफारि खुडो। बे हाबाफारियाव कक्राझार कास्तम बसुमतारिमोनहा बाहागो लानानै पेहेलगामआव (□ 6 बिलाइआव)

अल्तानेदिभ पार्टी अफ बड'लेन्डआ 25 नं  
बागानपारा बियाबआव ब्लक कमिटिखौ दाफुंबाय

सेन्ट जन बस्क' फरायसालिया मेट्रिक आन्जादआव उथिसार  
जानाय फरायसाफोरखौ बरायनायजों लोगोसे मान बाउदों

2025 माइथायनि मेट्रिक आन्जादआव जौसे जौखोन्दो उथिसारनो हादों



बड'सा थान्दै/मुसलपुर, 25 एप्रिल: बि टि सि बिसाइख 'थिनि  
समा गेजेराव 5 दानसो सम दंवावो। बे बिसाइख 'थिखौ नोजोर  
बोनानै गुबुन गुबुन राजखान्थि हान्जाफोरा गावबागावनि दोलोखौ  
गोखों खालामनायनि थांखिजों (□ 6 बिलाइआव)

(□ 6 बिलाइआव)

गिबि खेबनि थाखाय माहारियारि थाखोनि माराथन खारनाय बादायनाय



(□ 6 बिलाइआव)



पेहेलगाम जाथायनि उनाव पाकिस्तानखौ मदत खालामनाय  
सा 13 सुबुंफोरखौ आसाम पुलिसआ हमबाय

गुवाहाटी, 26 एप्रिल: थानाय मंगलबारआव जम्मु आरो काश्मीरनि  
पेहेलगामआव दावबायारिफोरखौ धोराम सायख'-सायख'  
गावथारनायनि हेंथायै दुलाराय हादतजों लोगोसे मुलुगनाडैनो बे  
इनाय जाथायनि हेंथायै सोंखारिनाय, खुद्रिखानाय समावनो माखासे  
सुबुंफोरा पाकिस्तानखौ मदत खालामनानै जेनायाव गोर्लैनांदों।  
आसामआवबो पाकिस्ताननि मदत खालामग्रा माखासे सुबुंफोरखौ  
थानाय माखासे साननि गेजेराव (□ 6 बिलाइआव)

**NERIM GROUP OF INSTITUTIONS**

Estd. 1992

Registration opens for DIRECT ADMISSION into the following Under Graduate programmes for the Academic Session 2025-26.

Interested candidates may connect with our admission counsellor at 9954190758 / 9954051419, or visit the official website : [www.nerimindia.in](http://www.nerimindia.in) for further information.

|                                                                         |                                                      |  |
|-------------------------------------------------------------------------|------------------------------------------------------|--|
| <p><b>BBA</b> 3-yr</p> <p>50% in 10+2 in any stream (45% for SC/ST)</p> | <p>45% in 10+2 in any stream (40% for SC/ST/OBC)</p> |  |
| <p><b>BCA</b> 3-yr</p>                                                  |                                                      |  |
| <p><b>BA LLB(H)</b> 5-yr integrated</p>                                 |                                                      |  |
| <p><b>BSW</b> 4-yr</p>                                                  |                                                      |  |
| <p><b>B.Com(H)</b> 4-yr</p>                                             |                                                      |  |
| <p><b>BA(Psychology)</b> 4-yr</p>                                       |                                                      |  |

Post Graduate programmes for the Academic Session 2025-26.

|                                                      |                                                      |                                      |                                             |
|------------------------------------------------------|------------------------------------------------------|--------------------------------------|---------------------------------------------|
| <p><b>MBA</b> (2-yr Full Time)</p>                   | <p><b>PGDM</b> (2-yr under AIMA)</p>                 | <p><b>MBA</b> (3-yr Part Time)</p>   | <p><b>MCA</b> (2-yr Full Time)</p>          |
| <p><b>MA Applied Psychology</b> (2-yr Full Time)</p> | <p><b>M.Sc Computer Science</b> (2-yr Full Time)</p> | <p><b>M.Com</b> (2-yr Full Time)</p> |                                             |
| <p><b>MSW</b> (2-yr Full Time)</p>                   | <p><b>LLB</b> (3-yr Full Time)</p>                   | <p><b>B.Ed</b> (2-yr Full Time)</p>  | <p><b>MA Education</b> (2-yr Full Time)</p> |

Prof. (Dr) Sangeeta Tripathi, Director, NERIM  
Padma Nath Sarmah Bhawan, Jayanagar, Khanapara, Guwahati - 781022  
[nerimindia@gmail.com](mailto:nerimindia@gmail.com)

2

बिलाइ

कक्राझार, रविवार 27 एप्रिल, 2025

## सुजुगिरिनि खोलोम



## नोर्जिया खालामग्रा ड्रग्स

समाजनि एबा जायखि-जाया सुबुंनि गेजेर ससेनिफ्राय सोलिबोनाय गाग्रि हुदा आरो गाग्रि मुवा जानायानो जायाथों मानो बे हुदाखों गोलेँयै एबा सानसेनि गेजेरवनो नागरहोनो एबा फोजोबस्त्रांनो हानांगौया गोलेँ बाश्रा नङ। बेनि रहाखों लासै लासैयैसो नागर होनायनि लामा नागिरसांगौ जायो। मानोना गुदिखों संनानै दिहुनग्रोया लासेनो बिजौआव हमोब्ला फोजोबनाय एबा नागर होनायनि थांखि लानाया आद्रा थालांनायनि मिजिं थायो। आथिखाल मुलुगनाडैनो मैखोमै साग्लोबसार महर लानो हमनाय निसा मुवा ड्रग्सनि सायाव होबथानायनि बाश्राखोंबो बे रोखोमैनो नुहरो। दिहुनग्रा-बनायग्रानि गुदिखों संनानै दिहुन्नांगौया जैरै गोनां बेबादिनो बेखों जायगा जायगा दैबथिंनानै रनसारग्रा हन्जानि फासैंबो समानेनो होबथानायनिबो गोनांथि जायो। दिहुनग्रा आरो बेखों दैबथिंनानै रनसारग्रानि गुदि रोदाखों संनानै बुखुगानो हायोब्लासो समाजखों ड्रग्सनिफ्राय जानगाव लाखिनो हागोनखों नुहरो। ड्रग्सनि गाग्रि बिजाउन आरो समाजनि फासैं खहाखों नोजोर बोनानै सम सम जौंनि गेजेरव बाइदिसिना सांग्रांथियारि हाबाफारि लानाय नुनो मोनबोदों। नाथाय ड्रग्सनि स्त्रोदयै रनसारनाय, बाहायनायफोरा सोलिबाय थानायखोंबो समानैनो नुनो मोन्नाय जायो। सम सम ड्रग्स रोगाग्रा हमनाय, आजावग्रा हमजानाय खौरांफोरबो नुनो मोन्नाय जायो। सोलिफु थासारिआवबो लाइमोनफोरनि सायाव ड्रग्सनि गोहोमखों लानानै बेनि सांग्रांथि लाबोनो आरो लाइमोनफोरखों ड्रग्सनिफ्राय गोजानाव लाखिनायनि थांखियै सांग्रांथियारि लाबोनो मोनसे माराथन खारनाय खुंनो थियारि जादों होन्नानै मिबथिनाय जादों। बे माराथनखों बनरगावनिफ्राय जागायनानै चन्द्रपारा जानानै घषखाता-दतमा आरो सेरफांगुरिआव माराथन खारनायखों फोजोब हैंगोन होन्नानै मिबथिनाय जादों। ड्रग्सनि हेंथायै बिब्दि सांग्रांथियारि हाबाफारि लानायनि गेजेरजों ड्रग्सनि हेंथायैदि बयबो सांग्रां बेखों मिबथिनो हागोन आरो बिब्दि राहाजोंसो राइजो-राजाफोरबो सांग्रा जागोन।।

फेग्रा मुवा ड्रग्स आरिफोर बाहायनाय हुदाया सुबुं समाजखौल' नङ, गावनि गोसोयारि सान्नाय-हनायाव, देहायारि आरो मेलेमारि बिथिंआवबो सासे सुबुंखों नोर्जिया खालामनानै अराय समनि थाखाय फोजोबस्त्रांनय लाबोनो हागौ। आथिखालनि समाव फेग्रा मुवा ड्रग्स बाहायनायनि बिजाउनआ सुबुं समाजनि सायाव खोमसि साइख्लुम गोग्लैनाय बादि जालांनो हमदों। लाइमोन हान्जानि गेजेरव खायफाया मिबथिनानै आरो खायफाया इयुनखों सानहरनो हायैआव बाइदिसिना जाहोन-जैनायाव गोग्लैनानै बैफोर गाग्रि हुदाफोराव आखाइ होनाय सम सम खौरांफोराव नुनो मोन्नाय जायो। फेग्रा मुवा ड्रग्स बाहायनायनि दोहौ सोमजिनाय थासारिया सुबुं समाजजों लोगोसे इयुननि सुबुं धोननि फासैंबो खहा लाबोनायनि लामा लाबोगोन। सुबुं समाजआव खहा लाबोनायनि लामाखों होबथानायनि गोखै रहा लानायनि गोनांथिखों समाजआबो सरकार आरो गुबुन गुबुन आफाद, फर्सथान आरो गौथुमफोरनो हेफाजाब होनांगोन। बेनि थाखाय समाजआनो खोंसेयै सांग्रां जालायनानै जौंनि समाज आरो जौंनि लाइमोनफोरनि इयुन फोजोबस्त्रांग्रा बे गाग्रि मुवाखों होबथानो नाजानांगोन। मानोना बे समआ बादायलायनायनि सम, लाइमोनफोरनो गोगो सोलौंथाय, गोगो देहा आरो गोजों इयुन दानाय-होनायनि सम। बे गाग्रि गोहोखों होबथानो हायोब्लासो जौंनि समाजआबो गोगो-गोजों आरो गोजोन थासारिजों सुबुं सम्पदखों मोजाडै जाँगाहोलांनो हागोन होन्नानै मिजिंथिनो हायो।□

## दिनैनि फान्जामुथि

### राशि बाइदियै मुंनि गिबि हांखो

**मेष :** अ ल **बृष :** ऊ ब (उ ए इ) **मिथुन :** क छ (ङ घ) **कर्कट :** ड ह **सिंह :** म ट **कन्या :** प ट (ण ष) **तुला :** त र **वृश्चिक :** ब न **धनु :** ध भ (ढ़ फ) **मकर :** ख ज **कुम्भ :** ग श (स) **मीन :** द च (ख ज झ)

**मेघ:** दिनैनि सानआव गोबां रां खरसा जानो हागौ। गोसो हमथानानै खरसा खालामनांगोन।

**बृष:** गोसोआव रहा जौनाय, बिग्रायखानाय जानो हागौ। गोसोखों हमथा।

**मिथुन:** रांखावरि मुलाम्फा मोन्नो हागोन। गोसोआव रंजाखानाय फैगोन। मोजां सान।

**कर्कट:** जायखिजाया बेरामआव गोग्लैबायनो हागौ। देहाखों सांग्राडै लाखि।

**सिंह:** मोजां रोंग'थि जानो हानायनि मान बाउजानो मोनगोन। गोसोखों गोजोन मोनगोन।

**कन्या:** देहानि बोलोआ बांगोन। जैरैबो गोजोन्नायखों मोननो हागोन।

**तुला:** मोजां मोनलायनायनि गेजेरआव अनलायनाय फैगोन। दौलेंआ गोरा जागोन।

**वृश्चिक:** बेराम-आजार जानायनिफ्राय उदां जानो हागोन। गोसोखों शान्ति मोनगोन।

**धनु:** माखोंबा लानानै दावराव-दावसि जानो हागौ। गोसोखों हमथा।

**मकर:** बिदा-फंबायनि सोमोन्दो थानाया गोरा जागोन। नख'रआव शान्ति फैगोन। फारफ्रोमर्थिबो मोजां।

**कुम्भ:** बेफार फालांगि मावनायाव रांखावरि मुलाम्फा मोन्नो हागोन। गोजोन्नाय मोनगोन।

**मीन:** बायदिसिना सान्नानै गोसोखों अशान्ति मोनगोन। जिंगाया बांगोन। गोसोखों हमथा।

# एलन मास्कनि सुंद' सिनायथि

–बुद्धदेब मोसाहारि  
–बाशबारि,बिशमुरि  
–कक्राझार, बिटिआर ( आसाम ) 783370  
–मबाइल नं.- 9954941703

एलन मास्कनि मुं खोनायै जानो हागौ रावबो सुबुं (गैलिया) ओंखारनाय नङ। गोमोथाव जिराद( बस्थु) सोरंजिनाय, गेदेर गेदेर कम्पानी गायसन्नाय थामहिनबा सरासन्स्त्रा नडै सान्थौ सान्स्त्रिनि थाखायनो बिथाङ भुमनाडैनो मिथिजायो। गोबाङ खायफा बिर्थांखों एलियनबो जानो हागौ होन्नानै बुङे। नाथाय मानि थाखाय एलन मास्कनि सान्नाय-हनाया एसेबां सोमोनांथाव। मानसिफोरा मानो बिर्थांखों एसेबां आलादा होन्ना सानो ? एसेबां जुनिया गुण बिर्थानाव मात्रै थायो ?

उन्दैनफ्रायनो एलन मास्कनि लैखोनफोरा मालायनि गुबुनमोन। बियो जोबोद गोसो गुदुं आरो बिजाब फरायनो जोबोद मोजां मोनोमोन। गुबुन गथ'साफोरा जेब्ला बाइजोआव गेलैनानै गोजोन्नाय (मोजां) मोनो बे समाव बियो रिगानि उनाव रिंगा बिगियान, नख'रंमा, बिरोंदामिननि बिजाब फरायोमोन। जि (10) बोसोर बैसोनिफ्रायनो बिथाङ कम्पिउटर प्रग्रामिं सोलोंनो जागायजेन्दोंमोन। जिनै (12) बोसोर बैसोआव बिथाङ मोनसे भिडिअ गेम बानायनानै फान्दोंमोन। बेयो बिनि थाखाय जागायजेन्नायमोन।

मास्कनि एसेबां आलादा (जुनिया) जानायनि जाहोनाव बेनोमोनदि, बियो बुहुमखों सरासन्स्त्रा नोजोरै नाया। बेबादि सान्थौ- सान्स्त्रियानो बिर्थांखों गुबुनआ नुस'हायै मोनसे इयुनिन सानबोलावरि (कल्पना) खालामनायाव मदद होयोमोन। मास्कआ अरायबो आबुडै मावा मोनसे गोदान सोरंजिथायनि बाश्रा सानो। बिदिन्थि बादि्यै, जेब्ला गोबांसिन कम्पानीफोरा गोजौ थाखोनि (मान) थावजों खारग्रा इन्जिन बानायदोंमोन, अब्लाबो बिथाङ मोब्लिबयारि गारि बानायनो जागायदोंमोन। जेब्ला गोबांसिन सुबुङानो नख'रंमा दावबायनाया खालि सरकारि गेदेर मावबिर्थांखिनि थाखायल' जाथावना सान्नाय जादोंमोन, अब्ला बिथाङ मोनसे गावयारि नख'रंमा कम्पानी गायसन्नानै हाबा मावदोंमोन। बिर्थानि सान्नाय-हनाया जेब्लाबो राफोद, साहसि, गोखों आरो गिनाय गैयै आलादा (जुनिया) मोन।

जेन्नायखों बियो गया। गोबां सुबुङानो जेन्नायनि बाश्रा सानोब्लानो गोसोआव गिनाय फैयो, नाथाय मास्कआ जेन्नायखों सोलौंथायनि बाहागो हिसाबै सान्नानै लायो। जेब्ला बनि रकेटफोरा बेरफुदोंमोन, अब्लाबो बियो जेन्नानै थायाखैमोन। बेनि सोलाय गोरोन्थिआ बबेवहाय जादों बेखों संदान्नानै गोदानै नाजाफिनो। जेब्ला बनि मोब्लिबयारि गारिनि सानबोलावरि बाश्रा खोनानानै गोबां मानसियानो मिनिंदोंमोन, अब्ला बियो बेखों गोरोन्थि फोरमान होनो थाखाय गोखो-गोब्राबै नाजालांबाय थायो। बिर्थानि बादिब्ला, गोरोन्थिफोरा (फेलेङ) गमामायै जाफुंसारनायनि लामायाव मोनफा-मोनफा आगानसो।

मास्कखों सोमोनांथाव (सरासन्स्त्रा नडै) खालामनायनि गुबुन मोनसे बाश्रायानो जादों बनि गोखों थांखि। बिथाङ खालि रां खामायनायनि थाखायल' गुबुन गुबुन रोखोमनि जिराद(बस्थु) बानायनानै दिहुनाखै। बिथाङ सुबुं माहारिखों हेफाजाब खालामनो आरो गाहाम इयुन दानो थाखाय बायदि जिराद बानायनानै दिहुनो। बियो गुबुंले आवहावाखों रेजेंहोनो (खमायनो) सानो, मानसिफोरखों नख'रंमा दावबायनायाव हेफाजाब होनो लुबैयो आरो गुबुन ग्रहआवबो थानानै थानायखों मोखथां महर होनो नाजायो।

# पाकिस्तानी सान्थ्रिफोरा बलुच बिग्रायारिफोरखौ दबथायनायाव फैलें जादों

इस्लामाबाद, 26 एप्रिल :

पाकिस्तानआव थांनाय शुक्र बारखालि रैखाथि मावसुमाफोरखौ लानानै थांबाय थानाय गंसे गारिनि खाथियाव लामा सेराव जानाय गोहो गोरा बम बेरफुनायाव साब्रै सान्थ्रिफोरनि जिउ गोमायो आरो सा 3 गुबुनफोरा जोखोम जायो।

पुलिस गाहाइ नविद अहमदनि बायदिब्ला, बे गाग्लोबनाया बलुचिस्ताननि राजथावनि क्वेटाआव जायो। रावनिबो हान्जाया दासिमाव बे बम बेरफुहोनायनि दाय लायाखै। नाथाय बलुच बिग्रायारिफोरनि सायाव सन्देह' सिखांदों। नख'र मन्थ्रि महसिव नकवीआ बे बम बेरफुहोनायखों सोंखारिदों। बे गोदान गाग्लोबनाया बलुचिस्ताननि कलातआव गंसे गारियाव बमजों गाग्लोबनायाव सा 3 सुबुंफोर थैनायनि सानसे उनाव जायो। पाकिस्ताननि रैखाथि हान्जाफोरा खैबर फख्तुनख्त्रा ओन्सोला संगालि खौरांनि सायाव बिथा खालामना सालायनाय हाबाफारिनि समाव सा 6 उतखारिफोरखों गावथारो



होन्ना सान्थ्रिनि मिडिया ब्रान्सआ थांनाय शुक्रबारखालि खौरां होयो। इन्टर-सार्भिसेज पाब्लिक रिलेशन्स (आइएससिआर) नि बायदिब्ला, सा बजिरिस्ताननि सिमाजों नांजाबनाय बन्नु जिल्लायाव उतखारिफोर थानायनि खौरां मोन्नायाव 23–24 एप्रिलनि हराव अपारेशनखों जगायदोंमोन। बे अपारेशननि समाव पाकिस्तानी सान्थ्रिफोरा उतखारिफोरनि केम्पआव गोहोम गोनाडै दखल खालामना लायो आरो गिखंधावयै गुलि गावनायनि उनाव सा 6 उतखारिफोरखों जहन्नुमआव दैथाइहरो आरो साब्रै गुबुनफोरा जोखोम जायो। जर'खायै रैखा मोन्नाय

बैफोर सिमाङ गोबांनि थाखाय जाथावैबादि मोनोब्लाबो मास्कआ बेफोरखों गोनांथि एबा आंगो होन्ना लायो आरो बैफोर सिमांखों मोखथाङव जाफुंहोनो थाखाय हर-सान हाबा मावो।

मास्कआ गावनि हाबा(खामानि)जों गोथौयै फोनांजाबनानै थायो, खालि अफिसआव जिरायनानैल' बियो बिथोन होवा। खारखानायाव थांनानै बियो इन्जिनियारफोरजों सावरायहैयो आरो फिसा-फिसौ गेसें बाश्राखोंनो नायबिजिरो। बियो गोबां गोलाव समहालागै हाबा मावनो हायो आरो गुबुननिफ्रायबो बिब्दिनो लुबैयो। माखासेआ बिर्थांखों गोब्राब (गोख्रों) सानोब्लाबो गोबाङनो बिर्थानि आदर्शखों बाख्तायोबो।

बिथाङ गुबुन गुबुन आयदा (सान्थौ)खोबो गोथौयै फोनांजाबनानै लायो, जाय आयदानि सायाव गुबुन बांसिन मानसिफोरानो सानबाङ। फोरमान बादि्यै बिथाङा खालि मोब्लिबयारि गारिल' बानायाखैमोन, बिथाङा सफ्टवेर आपडेट, गावनो गाव दैदेन्नो(सालायनो) हानाय गुण आरो साबनां (स्टाइलीस्ट) डिजाइनजों मोनसे राफोद (स्मार्ट) गारि बानायदोंमोन। बिथाङ खालि रकेटल' बानायाखैमोन, बिथाङा फिन बाहायजाफिन्नाय बानायनानै दिहुन्दोंमोन, जायफोरा नख'रंमानिफ्राय गिदिंबोफिन्ना रैखाथियै बाग्लायनो हायो।

बिथाङा गावनि सिमांफोरखों हाबाथिलि(खामानि)आव बास्स्लायहोयो। बिथाङा आबेग, बोलो आरो माब्लाबाबो जेन्नाय मानिनाय गैयै गोसोजों हाबा मावो। बेनि थाखायनो बिर्थानि टेस्ला, स्पेसएक्ट, निउरालंक आरो दा बरि बायदि कम्पानीफोरा सरासन्स्त्रा कम्पानी नङ। बै कम्पानीफोराव दिहुन्थाय आरो गोदान सानस्त्रिजों बुंफबनाय दङ।

बेनि थाखायनो आरोबाव गोबाङनो बुङेदि, एलन मास्कआ एलियनबो जानो हागौ होन्ना, गमामा बेयो सैथो नङ, नाथाय बेनिफ्राय बुजिनो हायोदि, बिर्थानि सान्थौ-सान्स्त्रिआ बेसेबां गोखों आरो सरासन्स्त्रा नडै। बिथाङा मंगल ग्रहआव थांनानै थानायनि बाश्रा बुङे, सुबुंनि खर'आव चिप लागायनायनि बाश्रा बुङे। बे बाश्राफोरखों सानबोलावरिनि सानस्त्रि बादि खोनायोब्लाबो मास्कनि थाखाय जेबोआनो जाथाव नडै बादि मोना।

अदेबानि बिथाङाबो आबुडैनो सैथोजोबबादि नङ। बिथाङा एरैबादि टुइट खालामो, जायफोरा बिमुं आरंजियो। बियो माखासे साहसि (गिरोडै) दाबि खालामो आरो बिथाङ फ्राय बांसिनानो एरैबादि बिबान(रिस्क) लायो, जायफोरखों गुबुनआ एरायनानै थांनो नाजायो। बेनिखायनो बनि बे गुणआनो बिर्थांखों आलादा (गुबुन)यै दैदेनबोदों। बियो बयखोंबो गोजोन होनो नाजाया बुहुमखोंनो गुस्त्रायहोनोसो नाजायो।

जाय बुहुमाव बांसिन बाहागो मानसिआनो होंगो-दोंगो उनसंनाय खालामो, बे समाव एलन मास्कआ गुबुन मोनसे लामाजों थाबायो। बिर्थानि सान्थौ-सान्स्त्रिआ आगोमा(मोन्नो थाडै), मानोना बियो गोथौयै लुबैजाथाव, गोखों गोसो गोहोयै मावनो आरो जाथाव नडैआनो जाथावनो हायो फोथायनो हाग्रानिफ्राय फैनाय। बिथाङ जेंनाफोरखों सुस्त्रांनां मावनां हाबा होन्ना सान्नानै लायो। बिथाङ गोदेत सिमां नुयो, बेनि उनाव बे सिमांखों मोखथां महर होनो नाजायो।

जानो हागौ बिथाङ मोनबो एलियन नङ, नाथाय बिर्थानि सान्थौ-सानस्त्रि आरो हाबा-हुखाफोरा एलियननि बादियानो।

बेनिखायनो एलन मास्कआ गुबुनफोरनिखुइ आलादा(जुनिया)।

N.B.- गुबुन गुबुन रावनि लिर्बिर्दानिफ्राय बुथुमनाय।

## पेहेलगामनि उतखारि गाग्लोबनायनि सायाव तुलसि गबाईआ सोंखारिदों



**गोदान दिल्ली, 26 एप्रिल :** पेहेलगामनि उतखारि गाग्लोबनायाव आमेरिकाजों लोगोसे गासै हादतआनो जिंगा सिनाय फोरमायदों। मुलुगनि बांसिन हादतआनो बे गाग्लोबनायनि उनाव भारतजों लोगोआव दंफायो होन्ना फोरमायदों। बेनि गेजेराव आमेरिका हादतनि डायरेक्टर अफ इन्टेलिजेन्ड तुलसि गबाईआ पेहेलगामनि गाग्लोबनायखों सोंखारिनानै भारतखों हेफाजाब होनायनि बाश्रा बुंदों। बिथाङा सशेल मिडिया प्लेटफर्मनि एक्सआव लिरोदि, जों पेहेलगामआव सा 26 हिन्दुफोरखों थांखि खालामनानै गावथारनाय उतखारिफोरनि गाग्लोबनायनि हेंथायै भारतजों लोगोसे खोंसेथियै गसंगोन बिथाङा आरोबाव बुङेदि, आंनि आर'ज आरो गोथौ दुखु मोन्नाया बै सुबुंफोरजों लोगोसे दंफायो, जायफोरा गावसोरनि नख'रनि सुबुंखों खोमानानै लादों, गाहाइ मन्थ्रि नरेन्द्र मदि आरो भारतनि गासै सुबुंफोरजों लोगोसे दंफायो। जों नोंथांमोनजों लोगोआव दंफायो आरो बे दुखु नांथाव गाग्लोबनायनि थाखाय दायनिगिरि सुबुंफोरखों हमनायाव जों नोंथांमोनखों हेफाजाब होगोन। माखासे हादतनि हादतगिरिफोरा गाहाइ मन्थ्रि नरेन्द्र मदिजों फनआव बाश्रा सावरायदों आरो गाग्लोबनायनि सायाव जिंगा सिनाय फोरमायदों। ब्रिटिसनि गाहाइ मन्थ्रि किर स्टार्मरआबो शुक्रबारखालि पेहेलगाम उतखारि गाग्लोबनायखों डिसगास्टिं जाथाइ होन्नानै बुंदों। स्टारमरआ ब्रिटिस सुबुंफोरनि फारसेनिफ्राय गावसिनि गोथौ दुखु मोन्नायखों फोरमायदों आरो सानै दैदेनगिरिफोरा सोमोन्दोआव थानायखों गनायथिदों।□

## जौ फालांगिरिखों बख'नो फैनाय गामियारिफोरा काटिहारनि दन्डखरा थानाखों गाग्लोबदों



**काटिहार, 26 एप्रिल :** शनिबारखालि फुंनि समाव जौ फालांगि खालामनायाव हमजानाय सासे लाइमोनखों मख'नो थाखाय फैनाय नख'र आरो गामियारिफोरा दन्डखरा थानायाव गाग्लोबो। बे गाग्लोबनायाव थाना बिबानगिरिफोरजों लोगोसे माखासे पुलिस मावसुमाफोरा जोखोम जानायनि खौरां मोनो। सुलुङाव फोरमायनाय बायदिब्ला, दन्डखरा पुलिसनि गेजेरजों प्रखान्डनि नवादा गामिनिफ्राय थांनाय शुक्रबार मोनाबिलियाव जौ फालांगिरिनि दायाव लाइमोन सुरज कुमारखों ग्रेप्टार खालामदोंमोन। सुरजखों दिदैं जेलाव दैथाइ हरनांगौमोन, नाथाय शनिबार फुङाव गोबां गामियारि आरो नख'रनि सुबुंफोरा थानायाव सौहैनानै दायनिगिरिखों बख'नो नाजायो। गाग्लोबनाय समाव थाना परिसराव गोबां दावराव-दावसि अन्थाइ खुबैनाय आरो बुफाय-बुसि जायो। बैयाव थाना बिबानगिरि अमप्रकाश महतजों लोगोसे माखासे पुलिस मावसुमाया जोखोम जायो। पुलिस नायबिजिरिफिन्नानै सा 6 बिग्रायारिफोरखों जिम्मायाव लायो। सुलुङाव फोरमायनाय बायदिब्ला, थासारिनि समावनो हाथावयैखों नोजोर होनानै पुलिसआ गावसोरखों रैखाथि खालामना माखासे राउन्ड फाइरिं खालामनाङो। आथिखालाव बे गुलि गावनाय जाथाइखों दासिमबो मावख'यारि महरै खौरां होयाखै। बेनि गेजेरजों आथिखालाव दन्डखरा थाना परिसरखों छावनीयाव सोलायना होबाय। बे जाथाइनि उनाव जिल्लानि गागि बिबानगिरिफोरा जाथाय जानाय जायगायाव सौहैना थासारिखों सामलायनायाव नांथाबो। ओन्सोलाव सोलिनाय जेंना गोनां थासारिखों खुंथाया नोजोर लाखिगासिनो दं।□

## नाइजेरियाआव हाथियार दैग्रा दुथांफोरा सा 20 सुबुंफोरनि जिउ फोजोबदों



नायजेरियाआ गावसिनि पस्टआव बुङेदि, डेन गुलबि जिल्लानि सुबुंफोरनि सायाव हाथियार दैग्रा दुथांफोरा खनले खनले गाग्लोबदों आरो बिसोरखों थागिबि सुबुंफोरा गाग्लोब बावगोनखों गिनानै जिउ खुंनानै दं। लोगोसे बेखोंबो मिबथि होयो गाग्लोबनायनि उनिन्फ्राय माखासे सुबुंफोरा गोमानानै दं।□

# भारतयारि फोलेरनि सुबुंफोरा लन्डनआव थानाय पाकिस्तान हाइ कमिशननि लांगोनायाव हंथा धर्ना खालामदों

लन्डन, 26 एप्रिल : भारतयारि फोलेरनि सोद्रोमाफोरा थानाय शुक्र बारखालि लन्डनआव पाकिस्तान हाइ कमिशननि बायजोआव धर्ना खालामो आरो जम्मु-काश्मीरनि पेहेलगामाव जानाय उतखारि गाग्लोबनायखौ सोंखारियो। भारतयारि फिरफिला बेनार लानानै भारतयारि फोलेरनि सोद्रोमाफोरा दाय गैयै सुबुंफोर थैनायनि सायाव गोथौयै दुखु मोन्नाय फोरमायो आरो भुगिनांग्राफोरनि थाखाय बिजिरनाय बियो। लन्डनआव पाकिस्ताननि हाइ कमिशननि बायजोआव धर्ना खालामग्राफोरा उतखारिफोरनि हेंथायै स्त'गान होयो आरो बेबायदि गाग्लोबनायफोरनि थाखाय दाय गोनां उतखारि हान्जाफोरखौ गोब्राबै मदत आरो आस्रय होनायनि थाखाय पाकिस्तानखौ सोंखारियो। बिसोर



पाकिस्ताननि हेंथायै धर्ना होनानै 'भारत माता की जय' पाकिस्तान मुर्दाबादनि स्त'गान होयो आरो बेनार हमदोंमोन, जेराव आं हिन्दु लिस्नाय दडमोन। एनआइजों सावशयनानै भारतयारि फोलेरनि सासे सोद्रोमाजों भारतयारिफोरा पाकिस्ताननि हेंथायै धर्ना होनो

थाखाय ज' जादों होन्ना बुडो। पाकिस्तान उतखारिनि फेक्ट्रीखौ बांहोबाय आरो बेनि जाहोनावनो पेहेलगामाव सा 26 भारतयारिफोरा जिउ खोमानाडो। जों बेनि हेंथायै धर्ना होनो थाखायनो ज' जादों। गुबुन सासेया बुडो,

# पेहेलगाम गाग्लोबनायनि उनाव बैष्ण देवी भवनाव एलार्ट

जम्मु, 26 एप्रिल : पेहेलगाम उतखारि गाग्लोबनायनि उनाव जम्मु-काश्मीराव रैखाथि बेब'स्थाआ गोखों जायो। आथिखालाव मोनफ्रोम दावबायारि जायगायाव रैखाथिखौ बांहोदों। बेनि गेजेरजों कटड़ाआव थानाय माता भैष्ण देवी भवनावबो रैखाथिखौ गोखों खालामना होदों। खौरां एजेन्सि पिटिआइनि बायदिब्ला, सासे जौसिन थाखोनि बिबानगिरिया थानाय शुक्र बारखालि फोरमायोदि, बैष्ण देवीनि सिबियारिफोरनि रैखाथिखौ रोखा खालामनो थाखाय मोनसे कामान्ड आरो कन्ट्रल रुमा मेनि गिबि सप्ताहसिमाव कटड़ा शहराव सोलिंगोन। श्री माता बैष्ण देवी साइन बर्डनि मोनसे गोजौ थाखोनि रैखाथि जथुम्माखौ दैदेननानै सिइअ अशुल गार्गआ गुफा मन्दिरनि रैखाथि



थियारिफोरखौ नायबिजिरो। रैखाथि एजेन्सि, सान्थि, संगलि सिबिथाइफोर आरो नोगोरारि खुं थाइनि गागि बिबानगिरिफोरबो बे जथुमायाव बाहागो लादोंमोन। गार्गआ बुडोदि, श्री माता बैष्ण देवी बर्ड (एसएमभिडिएसबि) आ थानाय शुक्र बारखालि रैखाथि आरो

धोरोमारि दावबायनायखौ रोखा खालामनो आरो रैखाथि राहाफोरखौ नायबिजिरनो थाखाय कटआव मोनसे जुथाइ रैखाथि नायबिजिरनाय जथुम्मा खुडो। बेजों लोगोसे रैखाथिखौ नोजोर होनानै एआइ-सालायग्रा मिरु जेस्वार आरो फे स रिक् गिलशन पिटिआइ बायदि एडभाइस

टेकनिक लागायनाय जागोन होन्ना गार्गआ बुडो। बे नोजोर होग्रा गोहोफोरजों लेस जानाय 700 सिसिटिभि के मेराफोरनि नेटवार्क नि गेजेरजों नायबिजिरगोन। बेजों सिबियारिफोरनि गेजेरजों सन्देह' खालामथावफोरनि सायाव नोजोर लाखिनो हायो।

# पेहेलगाम गाग्लोबनायनि उनाव गुजराट पुलिसआ सांग्रांथि जादों



आहमेदाबाद, 26 एप्रिल: पेहेलगाम उतखारि गाग्लोबनायनि उनाव माखासे राइज्योफोरनि पुलिसआ हाइ एलार्टआव थादों। बेराफासँ आथिखालाव गुजराट पुलिसआ आइन बेरेखा

रिफिउजिफोरनि हेंथायै गोखों अपारेसन जागायदों। शनिबारखालि गुजराटआव 550 निखुइ बांसिन बांलादेशि नोगोरारिफोरखौ हमदों। बे गासै सुबुंफोरा नंखाय

फोरमानलाइ लानानै भारतआव आइन बेरेखायै थाबोगासिनो दडमोन। थानाय सानआव गुजराट पुलिसआ आहमेदाबाद आरो सुरतआव गोखों अपारेसन सालायदोंमोन। बे समाव

पुलिसआ सा 550 निबो बांसिन बांलादेशि हाबफैखोमाग्राफोरखौ हमदों, जायनि भिडिआबो ससेल मिडियाआव भाइरेल जागासिनो दड। गुजराटआव सोलिबाय थानाय बे गोखों अपारेसनआव माखासे गिदिर एजेन्सिफोरा दंफायो। गुजराटनि स्पेसेल अर्गेनाइजेसन ग्रुप, क्राइम ब्रान्स, एन्टि हिउमेन ट्राफिकिं इनिट, प्रेभेन्सन अफ क्राइम ब्रान्स आरो लकेल पुलिस हान्जाफोरा गोरोबनानै बे अपारेसनखौ खालामो। पुलिस बिबानगिरिफोरा बे बाश्रानिबो खौरां होदोंदि, हमजानाय गासै सुबुंफोरा आइन बेरेखायै भारतआव थाबोगासिनो दडमोन। बिसोरनिफ्राय आइन

बेरेखा फोरमानबो बोखानो हादों। थानाय हरआव गासै एजेन्सिफोरा गोरोबनानै सुरतआव गोखों अपारेसन खालामदोंमोन, जेराव 100 निबो बांसिन बांलादेशि नोगोरारिफोरखौ सिनायथिदों। बे गासै सुबुंफोरा भारतआव आइन बेरेखायै हाबफैदोंमोन। बिसोरो नंखाय फोरमानलाइ लानानै सुरतआव थाबोगासिनो दडमोन। आथिखालाव बे केसखौ नायबिजिरगासिनो दड। आथिखालाव बे केसखौ नायबिजिरगासिनो दड। नायबिजिरनाया आबुं जानायनि उनाव बयखौबो बांलादेशआव दैथायहरफिन्नाय जागोन। सुरतनि उनाव गासै एजेन्सिफोरा गेरोबलायनानै आहमेदाबादआवबो बेबादि अपारेसनखौ जागायो। बे अपारेसनखौ हर गेजेरनि 3.00 रिगायाव खालामदों। बे समाव पुलिसआ बांलादेशनिफ्राय फैनाय सा 450 आइन बेरेखा रिफिउजिफोरखौ हमो।

# मुजाफ्फरपुरआव सिबिआइनि नायबिजिरनायाव रेलवेनि सानै सिनियर सेक्सन इन्जिनियारजों लोगोसे साब्रैखौ हमदों



मुजाफ्फरपुर, 26 एप्रिल: गेजेर रेलवेनि गुबुन मन्डलफोराव इन्जिनियारि बिफाननि बारा' बिबानगिरिफोरा गोबां बिबांनि लहा खावनानै लाख-लाख गोसोम रां आजिनाय जाथाया सोराडाव फैदों। सिबिआइ पाटानि टीमआ मोननै आलादा-आलादा जायगाफोरनिफ्राय सानै सिनियर सेक्सन इन्जिनियारजों लोगोसे साब्रैखौ हमदों। बेयाव सनपुररेल मन्डलनि हाजिपुरआव मासि सामलायगिरि सिनियर सेक्सन इन्जिनियार सन्जय कुमार आरो पन्डित दीनदयाल, लेडइ आफादगिरि रेलमन्डलनि

डेहरीआनसनआव मासि सामलायनाय सिनियर सेक्सन इन्जिनियार राज कुमारखौ हमो। बेयाव कनस्ट्रक्शननि स्ट्र दड। बे समाव गंसे ट्रक लहाबो जब्द खालामो। थानाय बृहस्पतिबारखालि हरसे सिबिआइनि टीमआ नायबिजिरनायाव नांथाबो। बेयावनिफ्राय गार्ड बिनद कुमारखौबो हमनाय जायो। रेलवे रैखाथि हान्जाफोरनिबो सांग्रांथि गैयै खौराडा सोराडाव फैदों। आरपिएफनिफ्राय बिथोन लायाजासे रेलवेनि लहाखौ फानखोमानानै रेल बिफाननि

बिबानगिरिफोरा गोसोम रां आर्जिगासिनो दडमोन। सुलुंनि बादिब्ला, सिनियर सेक्सन इन्जिनियारआ गावयारि सुलुंनि एकाउन्टआव रां बियोमोन। बेनि उनाव गावसोरनि एकाउन्टआव ट्रेन्सफार खालामनानै लायोमोन। माखासे केश लानायनिबो फोरमान मोन्दों। डेहरिआनसनआव सिबिआइ टीमआ हर गेजेराव सिग्रोमनानै सिनियर सेक्सन इन्जिनियारखौ हमो। बेयावनि स्ट्रखौ गार्डजोंबो आय जादों। बे जाथायजों लोब्बा गोनां सानै रिटयार सिनियर सेक्सन इन्जिनियारफोरनि सायावबो लहा खावनानै फानायनि दाय दड। बिसोर सानैआ 1 कौटिनिबो बांसिन आर्जिदों। बिसोरनि नटिस दैथायहरनानै जेरा सेबनाय जागोन। थानाय 2024 आव रिटयार जानाय सिनियर सेक्सन इन्जिनियार अनिल सिंहनावबो जेरा सेबगोन।

# फाहामथायनि थाखाय भारतआव फैनाय पाकिस्ताननि नोगोरारिफोरनि जेंनाया बांदों

गोदान दिल्ली, 26 एप्रिल: पाकिस्ताननि नोगोरारिफोरनो फोसावनाय मेडिकेल भिजाआ 29 एप्रिलसिमल' आइनारि जानानै थासिगोन। बेनि सोमोन्दै जेबो गोदान भिजा फोसावनाय जानाय नंलिया। पेहेलगामआव दाय गैयै सुबुंफोरनि सायाव उतखारि गाग्लोबनायाव मिरु सरकारनि गोखों आखु आजावना लानायनि उनाव दिल्ली सरकारनि नख'र बिफानआ बे



बिथोनखौ फोसावो। नख'र बिफानआ फोरमायनाय बादिब्ला, मिरुवारि नख'र बिफान, गुबुन हादरयारि

बिफानआ पाकिस्ताननि नोगोरारिफोरनि थाखाय 2025 नि 24 एप्रिलसिमआव सार्क भिजाखौ होबतायो। मिरु

सरकारआ पाकिस्ताननि नोगोरारिफोरनि भिजाखौ थाबैनो होबथानो थांखि लायो। पाकिस्ताननि नोगोरारिफोरनो फोसावनाय मेडिकेल भिजा, राजखान्स्थियारि आरो मावख'यारि भिजाखौ नागारनानै गासै थाखानाय आइनारि भिजाखौ 27 एप्रिलनिफ्राय इमार्जेन्सियै होबथानानै होयो। मिरु आरो दिल्ली सरकारनि बे थांखिनि उनाव दिल्ली आरो हादरनि गुबुन गुबुन जायगाफोराव थाबोबाय थानाय पाकिस्तानी नोगोरारिफोरा भारत नागारनानां गोन। जर'खा बाश्रादि, सरकारआ पाकिस्तानी नोगोरारिफोरजों लोगोसे फरायसाफोरनि भिजाखौबो होबथायो। बेराफासँ पाकिस्ताननि खौरांगिरिफोरखोबो दैथायहरफिनगासिनो दड। बेनि अनगायै पाकिस्ताननि सावथुन महरगिरिफोरनि भिजाखौबो होबथानानै होनाय जाबाय होन्ना सुलुडाव मिथिहोदों।

# दिल्ली-इउपिआव बिदुं बांनायखौ लानानै बोथोर बिफानआ सांग्रांथि फोसावदों

गोदान दिल्ली, 26 एप्रिल: सा-भारतनि गासै खावसे बाहागोआव फैगौ 2-3 सानसिमआव बिदुडाव बांनायनि मिजिं दड। आइएमडिआ बे ओन्सोलफोरनि थाखाय हित वेभनि सांग्रांथि फोसावदों। फैगौ 30 एप्रिलआव पान्जाब आरो हरियानानि माखासे जायगाफोराव बारहुंखा फैनो हागौ। बे समाव पान्जाब, हरियाना, चन्डिगढ़ आरो सोनाब उत्तर प्रदेशआव बिदुडाव 2-3 डिग्रि बांनो हागौ। आथिखालाव दिल्लीनि बिदुडा दिदोम थानो हागौ। साननैन उनाव सान्जा उत्तर प्रदेश आरो बिहार,



झारखन्डनि माखासे जायगाफोराव मौसुमि बोथोरनि अखानिफ्राय एसे रेहाय मोन्नो हागौ। जम्मु-काश्मीरआव थानाय हाजोफोराव फैनाय सोनाबयारि नारसिन्थायनि गोहोमआ बारा नड। बेयो सिगां फासँ आवगायगासिनो दड आरो बे समाव पाकिस्ताननि बेलुचिस्ताननिफ्राय गुदुं बारआ सोनाब भारत फासँ

आवगायगासिनो दड, जायजों एनसिआरजों लोगोसे सा भारतनि माखासे जायगाफोरनि बिदुडाव थानाय साननैनफ्राय लान्थियै बांगासिनो दड। आइएमडिनि बादिब्ला, सा-सोनाब भारतनि हायेन ओन्सोलफोराव 29 एप्रिलसिमआव आरो सान्जा आरो गेजेर भारतआव 26 एप्रिलसिमआव दुंखावनाय थासारि सोमजिनो हागौ।

आथिखालाव दिल्लीनि बिदुडाव 27 एप्रिलनि उनाव बारा बांनाय नड। 30 एप्रिलआव पान्जाब आरो हरियानाआव माखासे जायगाफोराव बारहुंखा-अखा फैनो हागौ। बेनि गोहोर्जोंनो दिल्लीजों लोगोसे सा भारतनि माखासे जायगाफोरनि बिदुडाव दावख्त्तायगोन। नाथाय बेनि सिगां पान्जाब, हरियाना, चन्डिगढ़नि मेक्सिमम बिदुडाव 1-3 डिग्रि बांनो हागौ। बेनि अनगायै सान्जा आरो गेजेर भारतआव 26 निफ्राय 29 एप्रिलसिमआव अखा, बारहुंखा, मोब्लिब आरो गोखों बार बारसो हागौ। हाजोफोरावबो सोनाबयारि नारसिन्थायनि गोहोमजों सरासस्त्रानिफ्राय गेजेर थाखोनि अखा हागासिनो दड।

# पिअकेखौ लाफिन्नांगौ : तेलेंगानानि गिबि मन्थि रेबन्त रेड्डु

हाइद्राबाद, 26 एप्रिल: पेहेलगाम गाग्लोबनायखौ हादरनाडै हेंथा होगासिनो दड।

बेरेखा दोलोफोरनिफ्राय लानानै सरसस्त्रा जनसिम बयबो भारत सरकारनाव गोखों थांखि लानो दाबि दैखांगसिनो दड। बे बिथिडाव थानाय सानआव तेलेंगानानि राजथावनि हाइद्राबादआव केन्डल रेलि ओंखारो। बे केन्डेल रेलिआव तेलेंगानानि गिबि मन्थि रेवन्त रेड्डु आरो एआइएमआइएमनि गाहाइ असदुद्दीन अभैसिआबो बाहागो लादों। हाइद्राबादआव खुंनाय बे केन्डेल रेलिनि थांखिआ गासै भारतखौ खौसे



खालामनानै पेहेलगाम उतखारि गाग्लोबनायनि भुगिनांग्राफोरनो

बिबार बाउदोंमोन। बेबादिआव सुबुंफोरखौ सोमोन्दो लाखिनानै

तेलेंगाना सिएमआ पिअकेखौ लाफिन्नो दाबि दैखाडो।

तेलेंगाना सिएमआ पिअकेखौ लाफिन्नो दाबि दैखाडो।

इन्जिनियारि खामानि

इ-डेन्डर नटिस नं. 08-इएनफिबि-आएनएड-2025-26। महाराज कोनय खामानि थाखाय गावायना सानान होबनाय सुबुंफोरजों इ-डेन्डर हांखावहरनाय जागो। डेन्डर नं. 1: बेसादनि सुं' फोरायथि: गा-लिगमसुपुव ए.डि.इ.एन./गडगारा या आरो ए.डि.इ.एन./बिक्कनय थारिगालिनि सिडव टुकटुकर लागय आरो केनद लडि आननद। (नै बेयोनि थाखाय)। डेन्डरनि बेनिन: 27, 25, 493 रं। अग्रिम रं: 1,55,900 रं। इ-डेन्डर जेबगोन 15:00 रिगनि 15-05-2025 आव आरो 15:30 रिगयाव बेडेवजानि 15-05-2025 मावयायनाय खोन्दोआरि रेलवे सामलायगिरि (खामानि), रिडयानि मावख आव। गोनीनि इ-डेन्डरनि डेन्डर डकु मेन्डरों लोगोसे आबु' फोरमायथिखौ [www.incps.gov.in](http://www.incps.gov.in) वेबसाइटआव गोबडे मोनो हागोन।

डिआएम (खामानि), रजिया

सा-सान्जा सिमाना रेलवे

"मिनिस्लुनायजों शाहकफोरनि सिबिथाय"

DIRECTORATE GENERAL RESETTLEMENT

"Golden opportunity for employment with OSSF"

All ESM are invited to join Odisha Special Striking Force (OSSF) for direct recruitment on contractual basis

• Total Vacancies - 3000

• Contract period - One year extendable upto 60 years of age

• Walk-in interview every 1<sup>st</sup> and 3<sup>rd</sup> Monday.

• Result Next Day

Pay and entitlement

(i) Pay - Sep - Rs 45000/per month  
NCO- Rs 50000/ per month

(ii) Uniform allowance

(iii) Ex-gratia benefits (In event of death or incapacitation during active duty)

\* For detail information on application, qualification: terms of engagement entitlement documentation and selection procedure **log on to Directorate General Resettlement website** [www.dgrindia.gov.in](http://www.dgrindia.gov.in)

CBC 10401/11/0001/2526

## बबे दैमाया हादतनि बयनिखुड़ बांसिन राज्योफोरनि गेजेरजों बोहैदों, नोंथाडा मिबथिगौ ना ?

जोंनि हादतआ गावनि सिछव जारिमिन आरो हारिमु लाखिनाय हादत। भारतआव गोबां बाश्चाफोर दं, जायनि सोमोन्दै जोबोद बाछइ सुबुंफोरा मिबथिनो हागौ। बबेखानि, जायखि जाया बादायलु आन्जादनि थाखाय थियारि खालामनाय बिनायसाफोरा। बेबादि सोंलुफोरनि फिन्नायनि गियान थागोन। बे खौरांआव जों नोंथांनो बै दैमानि मुंखौ खिन्थागोन जाय हादतनि बांसिन राइज्योफोरनि गेजेरजों बोहैलाछे। भारतआ मिथिंगानि बिथियाव थानाय मोनसे हादत। बेयो गावनि मिथिंगायाारि समायना आरो जारिमिननि थाखाय मिथि जायो। जोंनि हादतआ दैमा, दै बाञ्चुम, बिलो, हाजोमा आरो अरनफोरजों बेंखन जानाय। बेवहाय रोजा-रोजा फिसा आरो गिदिर दैमाफोरा बोहैयो। दैमाफोरखौ बिमानि थामान होनाय जायो आरो बिसोरखौ बिमा बायदि



सिबिनाय जायो। जेब्लानो हादतआव दैमाफोरनि मुंख'नाय फैयो गंगा, यमुना, सरस्वती, ब्रह्मपुत्र आरो नर्मदा बायदि मुंफोरखौ मख'नाय जायो। गंगा दैमानि बाश्चा बुछेब्ला बेयो भारतआव बोहैनाय बयनिखुड़बो गोलावसिन दैमा। बेयो उत्तराखन्डनि गंगत्री हिमालयनिफ्राय ओंखारो आरो बे अफ बेंगलाव गोमलैयो। गंगा दैमाया हादतआव 2525 किल'मिटार बोहैयो। बेयो बांग्लादेशआवबो बोहैयो। बे

आयदायाव सुबुंफोरा गोमोनो हागौदि, भारतनि बबे दैमाया बांसिन रायज्योफोरनि गेजेरजों बोहैयो। बे सोंथिनि फिन्नाया गंगा दैमा। गंगा दैमाया हादतनि मोनसेल' दैमा जाय भारतनि मोनबा रायज्योनि गेजेरजों बोहैलाछे आरो बांग्लादेशनि फारसे थाछे। गंगा दैमाया उत्तराखन्ड, उत्तर प्रदेश, बिहार, झारखंड आरो सोनाब बेंगल रायज्योफोरनि गेजेरजों बोहैलाछे। नोंथांनि फोरमायथनि थाखाय, गंगा

दैमाया उत्तराखन्डनि देवप्रयाग, गढ़वाल, ऋषिकेश आरो हरिद्वारनि गेजेरजों बोहैलाछे। इउपिआव बेयो प्रयागराज, भाराणसी आरो गाजीपुर जानाै थाछे। बिहाराव बेयो बक्सर, पटना आरो मुंगेरनि गेजेरजों बोहैयो फारसेथिं झारखान्डआव बेयो साहिबगन्ज, महाराजपुर आरो राजमहलनि गेजेरजों बोहैयो आरो सोनाब बेंगलाव बेयो फक्का, रामपुर हाट, जंगीपुर, मुर्शिदाबाद, कलकाता आरो गंगासागरनि गेजेरजों बोहैयो।□

## पेहेलगाम गाग्लोबनायनि उनाव सान्श्चिफोरा उतखारिफोरनि गं 6 न 'फोरखौ सिलिंखार खालामदों



**श्रीनगर, 26 एप्रिल :** पेहेलगाम उतखारि गाग्लोबनायनि उनाव सान्श्चि आरो पुलिस मोनै हान्जाफोरा जुथाइ हाबाफारि सालायनानै उतखारिफोरखौ नागिरनायाव नांथाबो। बेय फारसे, सान्श्चिफोरा उतखारिफोरनि न'फोरखौ नोजोर होगासिनो दं। गाग्लोबनायजों लोब्बा गोनां खौरांनि थाखाय पुलिसआ माखासे सुबुंफोरखौ जिम्मायावबो लायो। सान्श्चि

आरो पुलिसनि जुथाइ हाबाफारिनि गेजेरजों जम्मु-काश्मीरनि कुलगाम जिल्लायाव रैखाथि हान्जाफोर सानै उतखारि हेफाजाबगिरिफोरखौ ग्रेप्टार खालामो। बे मोनै जिल्लानि के मह ओन्सोलनि थरकपरनिफ्राय एरेस्ट खालामो। पुलिसआ शुक्रबारखालि खोला काश्मीरनि कुलगाम लश्कर-ए-तैयबानि सानै अभारग्राउन्ड वाकार्फोरखौ ग्रेप्टार खालामनानै

टारगेट किलिंनि मोनसे जाथाइखौ रैखा खालामो। बिसोरनिफ्राय गंनै पिस्टल आरो गुबुन मुवा-बेसादफोरखौबो बोखाछे। हरनि समाव पुलिस, सान्श्चि आरो सिआरपिएफ जवानफोरा जिल्ला कुलगामआव श्रीनगर-जम्मु माहारियारि राजा-लामायाव थानाय कयमुआव मोनसे आउट पस्ट लागायदोंमोन। नाका पार्टीया बेजों थानाय सुबुंफोरखौ

नायबिजरिनो जागायबाय। बे समाव नाका पार्टीआ सानै लाइमोनफोरखौ नाका नुनानै लामा सोलायनाय नुनो मोनो। बेनि उनाव नाका पार्टीआ थाबैनो होबथाना हमो आरो बिसोरनिफ्राय गंनै पिस्टल, गंनै मेगजिन, मोन 26 कार्तुस आरो गुबुन मुवा बेसाद मोनो। बेजों सोमोन्दो गोनां बिबानगिरिफोरा बिसोर सानैया लश्करनि अभारग्राउन्ड वाकार् होन्ना फोरमायो। बिसोर कुलगामआव टारगेट किलिंनि बिबान मोन्दोंमोन। बिसोरखौ थि समाव हमनो मोनो, जायजों मोनसे गिदिर अलखदनफ्राय रैखा मोनो। सा काश्मीरनि बान्डीपरायाव थांनाय शुक्रबारखालि गावलायनायाव उतखारिफोरनि सासे अभारग्राउन्ड वाकार्नि जिउ गोमायो। बे समाव मोनै पुलिस मावसुमाफोराबो जोखोम जायो।□

## जोहोलावफोर

उजिदोंमोन जोहोलावफोर बर' हारियाव सान्श्च हायै, दैमालु जोहोलाव, सोमदोन जोहोलाव आरो गुबुन गुबुन जोहोलावफोर। उजिदोंमोन नोंसोर जेब्ला जोहोलाव महर लानानै, फोसाबलांनो सान्दोंमोन बर' हारिखौ दावगाहोनो सान्दोंमोन। उन्दुना थानाय बर हारिखौ नाथाय थैनांबाय नोंसोर अबथिरा बैसोयाव। सोरबाबा दावहा थिलियाव, सोरबाबा सोरनियाबा फान्दानायाव बर' हारिनि सुथुरखौ फोजोबनो नाजानायाव, बर' हारिखौ फोजाखांनो नाजानायाव। रागा दाजोंसै बर' हारिखौ साव दाहोलांसै बर' हारिखौ, नोंसोरखौ जों मिजि थियो सोरगोयाव आलो -आलो जिरायना थानो मोनो। आरो नोंसोर बादि इयुनाव, बर' हारियाव जोहोलाव उजि फिनो बेखौनो बोर सारफि हरो आं आसा खालामो।

अन्सुला बसुमतारि आफ्लागाव

## राजानि मोदै

मानो गाबदों नों राजा? दागाब नों राजा। गुबुना बुछेब्ला राजा गन्थं खान्दा नाथाय आं बुंगोन आंनि जिउनि राजा। सुबुंआ बुछेब्ला हांगार बायदि गोसोम अब्ला बुंगोन मोदान्नाय सना फिथर गुबुना सानोब्ला हायथा-था जोगोनाथ बायदि थुफ्राफ्रा नाथाय आं सानगोन दाथ जांगिला खोमथा बर' सेंग्रा सुबुंआ बुछेब्ला राजा दाखुरा अब्ला आं बुंगोन राजा समायना मोदान खानाय आइया बुछेब्ला मुगै सुगै सुबुंजों नेवसि जानाय सेंग्रा अब्ला आं बुंगोन इसोरनि फिसाज्ला बेसे समायना। आफाया बुछेब्ला राजा अलसिया नांगोन रसा अब्ला आं बुंगोन बेसे मावथि। आंनो लाखिखा। आदाया बुछेब्ला नंखाय बाखाय अंख रोडै सेंग्रा सार आयजाक बायदि गोरो सेंग्राखा। आब 'या बुछेब्ला सुबुं बुथारग्रा दावहारु राजा अब्ला बुंगोन बिमानि हादतखौ खांग्रा राइज्योनि राजाखा। आय' आफा सुबुछ मिनियोब्ला नों आं सानैजों रंजागोन दागाबसै नों राजा।

बिरखां मुसाहारी ला:सो:- नायकगाव गामि- मावरियागाव

## रंजालि गथ'फोरनि सौरा

### खोन्दोसे लिमारिक खन्थाइ

मुं आरजिनो बायगर भाइरेल जा सेयार, भिउवार मोनथारो बुरजा दानिया बेखौनो बयबो मोजां मोनो नाथायदि मा जागोन समाजा

-रैदोम बर', बाक्सा

### गिबि सिमां

बैसागु दमासि हाबा खेराइ बायदि फोबोंखौ दे रंजानि फै खुलुमनि दे मोसानि फै फालिनि दे फोरमायनि फै सिनायथिनि गिबि बार गुबै लामाखौ। बेनिखुइ साबसिन बाथौ गुदियाव आर'ज गाबदों दांदुला हनै सोरांसि सोरांसि गारांया हब्रा-हब्रा रंजाफानो अखोरां सानि गिबि सिमांनि अनजालियासो दाबोनो सौफैआखिसै। सान गोरलैया सिरिमोनबाइ दुब्रि हाग्रानि बिदेया रानज्रिंबाय थुमआ सोरांसि गेवलांबाय बिबार गाब बायदि बिरंफोरा रोजोब बारबाय। सायनासालियाव थुबुर जाबाय बे हारिया आसि थायसेनिखुइ थायनै एरबाय गेवलां बाबेनहां जरासे बेसेबा जाब-जुब बन्दक नछ बाख्रिया थुबुर हगासार बोहैथि समाव गुब-गुब। खोमसिआव नछ सोरांआवसो बै जुगाव नछ नै बे जुगावसो रंजादे मोसादे हालो-दैलो।

फुंजा बर' गामि- गियानीपुर ला:सो:-झाहारबारि जिला- कक्राझार ,बि टि सि ।

## नोंनि सेराव

हाथरखि अलंबार जोंना थायो आंबो नोंजों अरायबो हास्थायो नोंजों थानो। हास्थायो नोंखौ मोन्नो अराय सम नोंखौ मोननो। नाथाय नों सोरखौबासो हास्थायो दा अरायनि थाखाय। बेखौ सान्नानैनो आं जानो लोंनो सुख गैला स'ना। माबोला नों आंखौ बुंनालागोन अरायनि थाखाय। नेनानै दं आं नोंनि अन्नायखौ हास्थायो आं नोंनि थाखायनो बोदोर जाबाय आं अरायबो जाखांफैबाय थायो नोंनि महर अरायबो नोंनि सेराव थानो हास्थायो आं सना

मिस रनजिला बर' कक्राझार

### दोंनै लिमारिक

नै आगै लाफाथि फेजबुकनि चेलेब्रेटि लफाइनो नागारदो गुबुन हौवा जाथि थगायजादों लांजादों बुथारजादों भाइराल जादों फोथायथावा असे थैनि नछ बिसोर गुबुन जाथि।

बावगारबायनो फाग्लिया बर'नि रायनो नंथारगौखाय थुला रासि गोसोफोरानो देखायबाय लेभेल हारिखौ थगायजाना बजबबाय थैनायखौ गावनिया गावनिखा होत्रा बुछे बेखायनो।

गलाप खुंगुर बसुमतारी, कक्राझार

## दुखु हांमा

(1)  
मोनाबिलि खोमसियाव .....  
मेंग्लिनाय दाउफोरा.....  
बिरै-बिरै फैनानै,  
जाबाय हनै लामा मोनै.....  
गावनि बासाखौ,  
मोनैनि दुखुयाव.....  
मेगननि मोदैजों,  
हनै.... गोदाव सोराव जालांबाय।

(2)  
गोजाननि..... हाजो नों.....  
नुहरो, मोजां जों.....  
खाथियाव थानानै,  
नुबाय जों.... अन्थाय गोजा,.....  
बिफांनि गेजेराव,.....  
अन्थायफ्रा, हारां-हाथां.....  
माबादि जिराद जाखो,  
हनै..... गिथाव-बाथाव जाथारबाय।

(3)  
जुगनि हेर-फेराव.....  
मेंग्लिनाय सुबुछाबो.....  
फैयै फैयै सौफैनानै,  
आन्दाय फैबाय,लामा ससेयाव.....  
गावनि न'खरखौ....  
सिनायनो हायैलाय.....  
जाम्बा जानानै,  
हनै.... फैनो रोछाखिसै दानियालाय।

(4)  
मा- खालामबावनो .....  
सानबाबो हालिया.....  
गथ'फोरा गासिबो.....  
गोजाव लांजोबबाय,  
बिमानि दुखुआ.....  
मोदैजों रथ' रथ'.....  
मिथिंगाजों मिसिनानै,  
हनै..... सानजों लोगोसे खोमसिलांबाय।

निजरा ब्रह्म गामि- खोला खारगाव जिल्ला-कक्राझार बि, टि, सि ( आसाम )

## नेवसिनानै दाथां अनजालि

नै अनजालि आंनि जिउनि नेवसिनानै दाथां नों आंखौ मुगैनानै दाथां सना.....। अन्नायखौ नाजाव आंनि गोसोनि गोसो गोर्बोआ खामो रोमो-रोमो नोंनि गोसोनि अन्नाय मोनैयाव। हास्थायो आं नोंखौनो मोन्नो, नोंनोथ' आंखौ बुंदोंमोन गोसो गोर्बोजों अन्नाय होनानै बेनोथ' नोंनि थार जारिमिन। नोंनि हायना महरावनो..... आंनि गोसोआ जेबो उदायला सिमांखौ लानानै बेसे गोबाव थांनानै थानो हाबावनो अन्नायखौ नाजाव स'ना आंनि गोसो गोर्बोनि।

उराय ब्रह्म गामि- सन्दपारा कक्राझार।

# लाइमोन बैसोआनो जीउ राहा दानायनि सम

***अनिल कुमार ब्रह्म***

लाइमोन फ़ ।

सोरखौं बुंनाय जाये? बेखौं जों फंसे रावजों खेंफोरथि होनो हानाया गोब्राब ।बुंनो थाडेब्ला सोलोंथाय लानो जुरिजेन्नायनिफ़्राय संसाराव हाबनायनि सिगां समसिम मानसिनि जीउनि बे गोलाव आन्थोरखौंनो लाइमोन मानसिनि जिउ बुंनाय जाये। अदेबानि लाइमोन बैसोनि सिमा रान्नायखौं नोजोर होब्ला जों हादोर गबुन गबुन नुनो मोनो । जैरै- इउ एन अंनि खेंफोरथि बादिब्ला 15 निफ़्राय 14 बोसोर बैसोनि सुबुंखौंनो भारतनि नोजोरावब्ला 15 निफ़्राय 29 बोसोर बैसोनि सुबुंखौंनो लाइमोननि थाखौआव खोख्लैनाय जादों । जानो हागौ सिगां समनिख़ुइ आधिकालाव सोलोंथायनि फोथारा अरलंनाय लोगो लोगो दानि गोनोखो मुंगाय़ाव गोदैसिन जीउ खानांगौनि थाखायनो सोलोंथायनि समाबो लावगादों आरो उन्दैयावनो जुलि लानाय हुदायाबो सोलोंथाय मोन्नाय

लाइमोनफोरजों एसेब्लाबो नाश्दोदनानै दोनजादों । बेनिखायनो लाइमोननि बैसोआबो लावसिन जालांदोंखौंनो बुंनांगोन । अब्लाबो खाइसे बाश्चायाव हेर आरो गामीजों गोरोबलाया ।

जायखिजाया लाइमोननि बैसोआव हाबजेन्नाय लोगो लोगो लाइमोनफोरनि मोनफ़्रोमबो बिथिंखौनो स्रा स्रा सोलाइबोनायखौं जों नुनो मोनो । बे समाव देहांनि लावबोनायजों लोगोसे मेलेमनि सान्नाय-हनाय आरो बाइदि बाइदि सोलायनायफ़ाबो सोलायबोयो । बे बैसोआव सुमब्लिनि थुलाया जैरैबादि बाराव बिरबायो, बिब्दिनो लाइमोन समनि सिगां बाहागोआबो थुलाबादि आलां-फालां बिरबायनो नागिरो । बे बैसोआव हाबिलासनि सीमा गैयाबादि गोसोआ आलौरि, जिग्रोद आरो फाग्ला जाये। बबेखानि इयुन जीउआव सुखु आरो गोजोने थांना थानांगौनि गासिबो बिथिंखौंनो थाम-थिम खालामनानै लाखानांगौनि गोनांथार समाबो बे हमथा हाथै,

दबथाय हाथै जिग्रोद बैसोआवन । आजोला आवआदाम्बिफोरनि गिखंथाव बे समनि थाखाय बेखायनो राफोद दैदेनन्नाया जोंबोर गोनांथार ।

जिउनि लाइमोन बैसोआ जोबोद नोजोर गोनां सम । बे बैसोखौं साफ़्रोमबो बर’ लाइमोनफ़ । हलाथै थांगोननिफ़्राय बारगंनो थाखाय अरायबो साग्रिद सानाया मोजां । मानोना इयुन जीउ दानांगौनि दरखं मोखां बे लाइमोन बैसोआ गासै जीउजोंनो अंगारहाथै गोथौ सोमोन्दो दं । बे समाव हरखाब देहा मोदोम जौगानाय, मेलेम बांनाय, गुद गुद गोसो, सोरजिलु गोसो, सोमोनांथाव सावरायनाय, खलाब खलाब गोसो, अहं आखु बाइदि बाइदिया स्रा स्रा नुजाबोयो । बे बैसोआवनो गोसोआ गोरलैयै थानायलाइ सानस्लाबनो हाथैयाव समाजजों गनायजायै गोबां गाज्रि हाबायाव गाब्रनो हागौ । बे समाव बिसोरनि थाखाय गाज्रियाबो मोजां भाव लानो हागौ । समाजनि गाज्रि बुंन्ला जैरै- फेग्रा मुवा, जौ जुवा, जिखाव दाखेति, देहा फानग्रा

बाइदि बाइदिखौंनो बुंनाय जाये । दिनैन बर’ लाइमोनफ़ा बेफोरबारि गाज्रि हुदाफ़्राव गफबनानै गोबं लाइमोनफ़ानो गाव गावनि रांखावरिखौं फोजोबनो लानायजों लोगोसे गाव गावनि गोगो देहायावबो बाइदि मैया बेरामफोरबो सोनानै लागसिनो दइ ।

आथिखालाव नोजोर होब्ला नुगोन बर’ लाइमोनफ़ानो आखल दानायाव जोबोद लोरबां जाबोदोंसै । उन्दैआ गिदिरनि सायाव जेबो मान होलायैलाय उन्दै गिदिरनि गेजेराव अनलायनायनि बान्दोआबो लासै लासै गोफोन जाबोदोंसै । बेनि अनगाथैबो बांसिन बर’ लाइमोनफ़ानो समजों खाब जाहोनाै गाव गावनि हाबाखौं मावलांनाय नुनो मोनला । आलादिइ हाबाखौं मावलांनाय नुनो मोनला । आलादिइा बेरायनानै मालायनि दखान गलाफ़ाव सानफा थोलो जिरायनानै थानायनि सिमां नुग्रा, मालायनि मोजां गाज्रि सावफ्लेग्रा बर’ समाजआव गोबां बर’ लाइमोनफोर बांबोदोंसै । बिसोर बादि लाइमोनफोरनिफ़्राय बर’

समाजआनो जाबोदों आरो निरासा निरासा मोनबोदों ।

आथिखालाव दुखु गोनांसिन थासारीयावो जादों गोबां बर’ लाइमोनफ़ानो गाव-गावनि सोलोंथायनि गुदि हाबाफारिखौं ज़ाब गारनानै नंनाय नडैन सानफ़ामबो राबखान्थिनि हाबायावल’ बारसोमनाय नुनो मोन्दों । फारसेथिं आजोला लाइमोनफोरखौं लानानैनो गोबां बर’ राजखान्थिगिरिफ़ाबो गावसिनि हाथियार बादि बाहा.नायाव मुख़ब. गोबां राजखान्थिगिरिफ़ानो गाव गावनि राजखान्थि मुलाम्फानि थाखाय सानस’ हाथै गोथाव गोथाव गोर्लै गोसोनि लाइमोनफोरनो बाश्चा बुंनाै गोदै सिमां मिजिंकनि गाबगाहोनो नागिरो । राजखान्थिगिरिफोरनि बे गोथाव बिबुंथायफ़ा गोरलै मेलेमनि लाइमोनफोरनि फारसे गंग्लाय होनायनि मोनसे जादुनि मन्त्र एबा हायना मुलि बादिल’ होनजाये । जाहोनाव गोबां बर’ लाइमोनफ़ानो गाव गावनि हाबायाव नंथाबनो बावगोमा लाडो । बबेखानि गोहोनि मासियाव जेब्ला जिरायगयो

अब्ला सोलोंथाय मोनफुडै लाइमोनफ़ा बिसोरनि खाथिराव जैरै नडै बादि, जेरोयानो उदायै बादि जाहैयो । बेखायनो गोरलै गोसोनि बर’ लाइमोनफ़ा बिसोरनिफ़्राय जानगारना थानाया मोजां ।लाइमोन बैसोआनो जीउ राहा दानायनि साबसिन सम । मानोना मानसिनि जीउवा जोबोद गुदु-गादा आरो जुजिनायजों होंगो दोंगो । उन्दै आरो सेंग्रा जालिया समाव मोन्नांगौ सोलोंथायखौं मोनोब्लानो एबा लानो हायोब्लानो बे जीउनि दावहा एबा जुजिनायाव देरहासादजानो हायो । मुसुखानि बुनथाया आबुं जायोब्ला महरगिरिनि आखायाव मुसुखानि मुघ्रिया बेरखाडो. खोमथा खामफानि सायाव गोगोम समायना दालान लुनो हायोब्ला बेनि सायाव सन्दे बन्दे जीउ दानो हायो. जीउनि गुदि बाहागोआव लानो गोनां सोलोंथायखौं लायोब्ला मानसिया जीउनि देरहासाद बिगोमा जानो हायो ।बेनि थायनो उन्दै समनि बर’ लाइमोनफ़ा गियान बुथुमनायाव गोसो होनांगौ ।

लाइमोन जीउनि मावनो गोनां

बिबाना जोबोद गिदिर आरो जेथो गोनां । सिगाइवनो बुंबोनाय जादों, सोलोंथाय लानो जुरिजेन्नायनिफ़्राय मुलुगाव हाबनायनि सिगां समसिम मानसिनि बे गोलाव आन्थोरखौंनो लाइमोन जीउ बुंनाय जाये । गुबै हामा माथाखौं जैरै गोसो ऎर महर होनो हायो । नाथाय गोरा हाखौं जेबो महर होनो हाया । लाइमोन समाव गोसोआ गोर्लैयैनो थायो । बे समाव गोसोनि सायाव गोर्लैनाय गोहोआ जेब्लाबो गोमोरनानै थाइ ।मुलुकनि बाइदि जे्ना आरो गुदु-गादाजों जुजियै जुजियै जेब्ला मानसिनि गोसोआ थेर बेथेर जाये अब्ला लाइमोन जीउनि सोलोंथायानो बिखौ जीउनि हाल-सालावनो दिदोम थानो थिनो ।

जायखि जादोआ लाइमोन जीउखौं जों बयबो गाहामै दानोब्ला साफ़्रोम बर’ लाइमोफ़ानो माखासे बाथ्याव साग्रां जानाया जीउनि दावगानायाव मुलाम्फ़ फैनो हागौ होन्नाै सानो ।बेफोर सांग्रांथिफ़ा जादों- (क) समनि फासँ नोजोर लाखिनाय(ख) सिगां फासँ दावगानो नाजानाय (ग)

गावखौंनो हमथानो हानाय गियान आर्जिनाय (घ) सोलोंथाय लानाय (ङ) गावनो सान्नो नाजानाय (च)सैथो बुंनाय (छ)गावनि सायाव फोथायनाय (ज) गु्रै एबा महि थानो सोलोंनाय आरो (झ)गाहाम आखु दनाय ।

बेफोरनि अनगाथैबो बर’ लाइमोनफ़ा समाजनि गोरों गोराफेरनि बोसोनफोरनि फासँनो नोजोर होनांगौ । गिदिद सुर्बुनि गाहाम बोसोनफोरखौं सान्द्रिजों सालिख’ सालिख’ खालामोब्ला बर’ लाइमोनफोरनि जिउ दानायाव गाहाम राहा फैगोन । बबेखानि बर’फ़ा बेफोरनि फारसे खोमा होआ लाबासिनो अहंयैसो सौसिलांनो नाजादों बिसोर बादि बर’ लाइमोनफोरनि जिउआबो बिथरायावनो लहराय लांनो गोनां जानानै फैयो ।

बेखायनो अनजालु अनजालि लाइमोन लोगोफोर जों बरादखौं गाव गावनो मावनायनि गेजेरजों दाना लानानै जीउनि थांना थानायनि लामायाव देरहासाद जानो जुजिनि ।मानोना बाश्चायाव दंखायो – देरहानाया सान्नायजों नडा, मावनायजोंसो ।❏

### सुंद’ सल’ वि.बरगयारी

मोनाब्लि

सम, समआ आन्दाजआव स्नि बाजिसो जाबायमोन । गोसोखांआ बायजोआव बेरायना फैनानै ओंखाम मोन सानदि’ बड’सा खौरां बिलाइ नायगासिनो दंमोन । फुं आव माखासे गोनां गोनां खौरांखौं नायखांनाय खाय बिनि (गोसोखांनि) मेगना फानजामुथि लाइजामाव थाब गोर्ग्लैदों । गोसोखानि मुडा सिगां आखरआ ‘ग’ जनायखाय रसिया कु म्भ । बेयाव लि्रनाय दं औरै :– “सप्तानि गेजेराव रांखावरि मोन्नायनि जग दं । मोजां मोनलायनायाव सानैनि गेजेराव गोरोब लायगोन खुसि फैगोन । सप्तानि जोबनायाव दावबायगोन” । फानजामुथिखौं नायखांनानै गोसोजों गोसो सानबाय गोसोखांआ आतसा दैमुआथ’ आंखौं बावगार लांखाबाय बिदिब्ला फानजामुथिया जामारोना जामारा फालाय ना बोरैबाफोरसो मोजां मोनफिनबाय नामा । नाथाय नडा दैमुआ आंखौं मालाबाबो मोजांमोना । मालाय मेलेटारि हौवाजों बार स्लायबाय, बेयो माबोरै जानो हानो । मालाबोन गोसोखांआ सान्नायनि लैथोआव गोजावलांबाय, जेब्ला बिमाया मोदोमाव नारफैयो; अब्लासो गुरलुब बागदावो गोसोखांआ । एफासैनो खर’खौं फिदिंनानै घड़िखौं नायहरबाय समा

## बोरै खिन्थाबावनो आं

मालाबानो 8.20 बाजिबाय । ओंखाम जानोसै फैद नोमफायाबो बबाव सुनीहै दों दाबोनो फैयाखै होन्नानै बिमाया लंहै बाय गोसोखांखौं । बिमाया गोसोखांखौं गोसोजों गोसो अनोब्लाबो मालाइबायदि आफा होन्नानै गाबज्रिया । मुंखौंनो खारियो । बेनिफ़्राय गोसोखांआ ओंखाम जानो सिलहायाव जहै बाय । थाकथिक बिफायाबो ग्रेबसौफै बाय । गोसोखांमोनहा ओंखामखौं सिलहायावनो जाये । मानसियाबो एसेल’ गाव (गोसोखां) बिब’दंमोन हाबा जाहै बाय बिनानाव माया, बिमा बिफा, दाहोना सानै आरो रुवाथि सासे । गासै दा स्नि जोन । ओंखाम लाबोबाय है दिन खालि ओंखैआबो गैया खालि जोगोनाथल’ । दिलिपआ (गोसोखां बिफा) बिसि आसागिखौं (गोसोखां बिमा) हे बनाय रावजों बुंहरदों, दिलिप माहाजोनआ बे बायदि ओंखैजों ओंखाम जाया, दाबो एसेनो मिथिरोडा बबाव बुरै थारखो जादो, दखानाव रावखो खरज खालामनो थाडाखै । दिलिपा गोसोखां थाब्ला दावरोआ एसे खम । दिलिप होमबाथारा देलायघ्रि गामिनि मानसिफ़ा मानियो । अथसो गोसोखां बिफा दिलिपआ गामिनि गावबुरा, गामिनि दावराव दावस्रिखौं फोजोबग्रा अब्लाबो गावनो मानसिफोरजों नांलायनायनि अन्जिमा

गैया आरो जौ फैनायनि अन्जिमा गैया । दिलिपआ ओंखाम जानायाव खर’आव निसा लानानै बुंगासिनो दुगा-दुगानो, आं खथ’ गामिनि मानसिफोरखौं जौ लोंनाय नांलाय खमलाय फोरखौं बादा होयो आरो सेंग्रा सिख्लाफोरखौं नुजायो । अब्ला गोसोखांआ बुंहरदों बिफाखौं गुरै रावजों- नंगौ आफा बेफोर बायदि गाज्रि आखुफोरखौं फोसाब नांगौ, नाथाय आफा मालाइनि मोखांखौं हुगारनायनि सिगां गावनि आखायखौंनो साफायै सिगां सुग्रोनानै लानांगौ । अब्ला दिलिपआ फिसाज्लानि थिं मिलौ नाहरनानै गंफिनदों आरो दिलिपनि खुगानि खोथा माखाफ़ा लासै लासै गोमालांदों । बेफोर बायदि अखनबा खोथाजों खोथा थरक आरो अखनबा राइज्लायनाय बायदिसिनाजों ओंखाम जानाया एसे गोबावसिन जासिनदों । बेनिफ़्राय गावबा गावनि खथायाव गय जाखांनानै हाबहै लायबाय ।

अखानायै, है दिन खालि रबिबार समा नै बाजिसो जाबायमोनदां अरुपा बिखुनजो आसागिनाव हाबहै दों यैबासेनो बर’बाजाराव सि डि लांथावथाव । बिखुनजोखौं नुस्लाब मोना अरुपआ मिनिस्त्लु जानानै सोंहरदों गोसोखां बैनाय गैया आरो गोसोखां बिजिनियाव कमपिउटार सोलोंहै दों आरो मायाया

लोगोफोरनाव बेरायहै दों होन्नानै आसागियाबो मिनिस्त्लु जानानै फिन्दों दसे सम जिराय खांनायनि उनावबो अरुपआ थाबथांनांगौ बुरैफोर होन्नानै बुडासै । अब्ला बिखुनजोआबो सोडो दानो मानो इसि हाखु दाखु जावै ? माबा बुरैफोर बर’बाजाराव सि डि लांफाथाव थावसो हाबफैदों आं होन्नानै अरुपआ फिनो । हा बबाव देखायनो जावै सोडो आसागिया । बे मालिफारायावनो (जों गामियावनो ) । हा फिलिम आलाय माथोनों जावै ? सोंबावो आसागिया । फिलिमआ– “बोरै खिन्थाबावनो आं”’. फिलिमनि मुंखौं खिन्थानानै अरुपआ थाब सिखारो आरो बुंबावो थांनोसै बुरैफोर दा मोनाहै गोन आंहाबो राइजोनि खामानि लानानै फैनाय गाज्रि मोनलायगोन होन्नानै अरुपआ बिखुनजोखौं खुलुमनानै ओंखार लाडो । आसागिया देथांदो जावै होन्नानैल’ गल’ नाहरो आरो गोसोजों गोसो सानबायल’ “बोरै खिन्थाबावनो आं” ! हा मा खिन्था जालायि फिलिमसि बिलाय । खिबाजानि बे हिन्जावफोर नायजायै होन्नाय बि.एफ. ना माथेफ होन्नायासो खोमारो । नडाबा मानोथो खिन्था जालाया । बायदिसिना सान्नानै आसागिआ सियाराव जबाय थायो ।

साना सोनाब रुबैयाव दोबैबाय, सान्दुंआ गुरै

दुडा सुआ जाबाय । जेन, आसागि खामानि मावनायखौं नुनानै साना अनखांदों फुं निफ़्रायनो खामानि मावनाय । फिसाय दिलिपआथ’ नंजां बाजां गामिनि खामानि मावबायबानानै जौ लोंबायबायनानै नोसमखौं हगार हरो । नाथाय आसागिआ मालाय बायदि माहाजोन न’खरनि बिसि होन्नानै दुगी, बाहादुरि देखाया । गावनो रुवाथिजों लोगोसे मावफाबाय थायो आरो मावथिबो मावथि आसागिआ नांगोल मथिल’ दांनो बाखि । खिबाजानि दांनो हामनायमोनब्लाथ’ हालौगौमोनआनो । बे बायदि हिन्जावआ दा समाजाव आखायनि हांखोआव सानजोबनो हानाय । रुवाथिआलाय मा मावयो खालि सानावल’सो, बिहा (आसागिया) मोनायावबो रुवाथि सावरि जाहै दों आसागिया ओंखाम संगासिनो दं इसिंआव । आयै, आयै होन्नानै गाबज्रि हरो मायाआ रावखौंबो सिलहायाव नुहुरैखाय सिलहा गाफैग्रोन मोना लोगोफोरजों बहाबा बेरायनानै फैनानै । मा ओंखाम संदों आं होन्नानै सेंहरदों बिमाया इसिंनिफ़्रायनो । दसे उनाव आसागिया फिसाजोनो खिन्थाफैयो माया नोंगुमै फैदोंमोन । गुमै फैदों! बहाथो ? गोमोनाय फावजों सोडो मायाया बिमानाव । थांबाय सि डि लांफैदोंनो बर’ बाजाराव आरो नै माया नों गुमैआ आं फिलिमनि मुंखौं सोंबाय बेखौंनो खिन्थालांलायाखिसै ।

माबा औरैसो बुंबाय- “ बोरै खिन्थाबावनो आं”’ । मायाया बिमाखौं खे खे मिनिनानै बुंबाय जाम्बि जाम्बि फिलिमनि मुंआनो बिनो मालाइ, होमब्लासो आसागिआ गावबो खे’खे मिनियो आसागिया हे ओंखामा खामसिगोन होन्नानै इंसिआव थ्रोब हाबहैयो मायायाबो गावनि खथायाव थ्रोब हाबहैयो ।

गोसोखांआ दिनै कमपिउटार क्लासनिफ़्राय एसे लेट सौफैदों नआव । गुबुन दिनाव ब्रै बाजियावनो सौफैयोमोन दिनै 5.30 नि एसे बारबाय । गैया थाखा फैसानि सिन्था,फरायनायावबो गाज्रिद्राय नडामोन । गोसोखांआ दा कमपिउटार सोलोडो हय, नाथाय गोसो सिडावदि मानि जाल्ला गोसोखांआ गावसो मिथिसिगौ । फिफायाथ’ बबाव थाडो, बबाव मा’खालामो जेबो खबरखौंनो लाया । बिमायाबोथ’ जामबिदब मिथिखाया । गोसोखांआ रावजोंबो राइज्लाया माया न’सिडाव थ्रोब हाबसोनानै सानबायल’ थासै गावनि जाथायखौं लानानै औरै :– आतसा सिख्लाफोरनि गोसोआ मा गोसोफालाय गावनो गोसो थोथो होन्नानै खेबसे नडा खेबनै नडा लाइजाम हरग्रोलायबाय नै दानो ज़ाब, जेन’बा गथ फोर फुजायाव बेलुन लानो लुगैनायसो । गोसो थोथोनालाय थोथो आंहा बेखौंनो गोसो मोदोम जीउ होसोनानै थोबाय, दा मा खालामबावनो ! ना फराय नायावनो जायो । ना हिन्जावखौंनो मोनथारो । बाराबा..... ।


मानसिनि गोसोआ बिदि जानाडलै गोसो सिडावनो रागाजों बडो गोसोखांआ । नंमारगौगोनलै सेमोन गोजां बोथोराव अर सायनायाव आबै बुंनाय बाश्चाया । थाब गोसोखांदों गोसोखांआ बिबै बुंनाय बाश्चाखौं । बिबैआ बुंदोंमोन औरै :– “नै आबौ सिख्लाफोरनि गोसोखौं मोदायाबो हमनो हायानो ।” बायदि सानै सानै ओंखामबो जायाखैसै गोसोखांआ ँदिन खालि! सान्नायनि लैथोआवल’ गोदो हाबबाय । गोसो जों गोसो रागाबो जोंनो ओंखारबाय गोसोखांआ– मालाइनि बिखा सान्नो रो डै मेलेटारि साख़ि मावग्रा साला सैमाफोर, सुथिआव फैबाथाय नायदो आरो बिसोरनि एदभारटाइज होनायखौं हाथायाव, सिनेमायाव, बैसागु फांसन फोराव ओजोंब्ला ओजोंब्ला सिगारे ट सोबथिंनायफोरखौं गावखौंनो आं साख़ि मोनबाय । खानाया गुसुंखाबाबो लानथा सिनखोनानै लासिनदों जाहाटे आंखौं गोजाननिफ़्रायनो सिनायो बियो दिपेनसआव साख़ि मोनबाय । बेबायदि सान्नानै मोथो मोथो रागा जोडो गोसोखांआ । सिख्लाफोरखौं मालाय मा बुंनो मेलेटारि होनब्लाथाय बुंनाला आरो । बे साला खिजानाय बिरनआ आंखौं मिथिखाथारो दैमुजों मोजां मोनलायो होन्नानै । मानोना गामिनिजों गामिनि बुजियाब्रा । बिबो (दैमुआबो) गोरलै गोसो बुंनाला आरो

बबाव गोसोखां– थोसोखां ज़ाब । बायदि सान्नायजों माब्लादि मोदैआ उसिर्लायलांखो गोसोखांआ गावनो मिथिला । जेन’बा खुगाजों लोंनाय दैया मेगनजों बोरै बा गब्लंनानै गबोदों फु वा फु वा । गोसोखांआ खर’खौं फिदिंब्ला नुबारा घड़ि आव अब्ला समा हरनि नै बाजिनानै बारबाय । नाथाय मोनायावदि उन्दुनांगौ बेखौं गोसोखांआ गोसोआवनो फैया । सान्दोंमोन गोसोखांआ गावनि गोथौ मोजां मोनलाय नायखौं बावगार जाखांनायनि उनावबो फोरमाय हरबावनो, नाथाय मेलेमा सौहायाखिसै । सान बायल’ गोसोखांआ– दैमुनों आंखौं बावगार लांबाय नंखाय मेलेटारि हौवानि थाखाय आंनि बिखाखौं साना हिसया । हारसिडैनो आवनायदों गोसोखांआ– दैमु ! सानासो माब्लाबा ओंखार बायनो बावनो हागौ खोमा नाथाय नै बे गोसोखांआ नोंखौं बावनाय नडा अरायनि थाखाय । मोदै आ र’र’ गबोयो गाबहोलां गुंग्राय सुरुबखो होलां जाबाय थायो गोसोखांआ । सासे दावगाफु नाय सेंग्राया दि सारसे सिख्लानि थाखाय अराय खोमसिनि गेजेराव । जानो हागौ बेखायनो बुंदोंमोन राजा इराग दाउआ “सिख्लाफोरा महरनि हायना सारफावनानै मानसिखौं खालामो बोरमा गोसोखांआ सियारावनो दो उन्दुलांबाय ।❏



# गाहाम देहानि राहा तरमुजआ सावस्त्रिनि थाखाय जोबोद मुलाम्फा गोनां

गोलोम बोथोराव तरमुज जानाया गोबां सावस्त्रि जेंनाफोरनिफ्राय बारग'नायाव मदद होनो हागौ। तरमुजआ 90 जौखोन्दोसो दै थायो। बेनिखायनो सावस्त्रि गोरों-गोराफ्रा। गोलोम बोथोरनि समाव बे फिथाइखौ गावनि जाग्रा आदाराव सोफादेरनो सुबुरुन होयो। तरमुजआव कार्बहाइड्रेट, भिटामिन-ए, भिटामिन बि, भिटामिन-सी, पटै शियम, मैग्नीशियम, थायमिन, फस्फरास आरो लाइक'पीन बायदि गोबां बिबांनि निउट्रियेन्टफोर थायो। तरमुजखौ नेमबादियै जाबाय थायोब्ला नोंथानि होबथानो हानाय गोहोआ बांयो। तरमुज जानाया बिबुनि सावस्त्रिखौ गोखों खालामनो हागौ आरो उदैजों सोमोन्दो थानाय गोबां जेंनाफोरखौ बिदाय होनायाव मदद होनो हागौ। नोंथानि फोरमार्यथिनि थाखाय, तरमुजखौ सावस्त्रिनि थाखायल' नड नाथाय बिगुर आरो खानाइनि थाखायबो



जोबोद मुलाम्फा गोनां होनना मानिनाय जायो। जुदि नोंथाड डिहाइड्रेशननि गोहोमनिफ्राय बारग'नो लुबैयोब्ला तरमुज जानो जागायनो हागौ। नोंथानि फोरमार्यथिनि थाखाय, बे फिथाइयाव थानाय दैन बिबाड नोंथानि देहाखौ हाइड्रेटेड लाखिनायाव मदद होनो हागौ। तरमुज जानानै, नोंथाड गोब्राब आरो जिउ-खैफोद गोनां बिखाजों सोमोन्दो गोनां बेरामफोरनि खैफोदखौ मख'जाथाव महरै बाडाइ खालामनो हायो। तरमुजखौ

बिखानि सावस्त्रिनि थाखाय जोबोद मुलाम्फा गोनां होनना मानिनाय जायो। सावस्त्रि रोंग'साफोरनि बायदिब्ला, निउट्रियेन्ट आदरजों बुंफबनाय तरमुजखौ हास'नानै जानाया जोबोद साबसिन जानो हागौ। नाथाय जुदि नोंथाड मोजां मोनोब्ला आदार बिथांखियाव तरमुजनि रोसिखौबो सोफादेरनो हायो। साबसिन फिथाय मोननो थाखाय तरमुजखौ थार बिबाडव आरो थार लामाजों जानाया जोबोद गोनांथार।

## लोगो, मिजिं आरो सिमांखौ आबुं खालामनो नाजानाय सावथुन सुपार बयज अफ मालेगावआ



बिथोनगिरि रिमा कागतिनि सावथुन 'सुपारबयज अफ मालेगावआ 28 फेब्रुवारिखालि सिनेमा हलफोराव रिलिज जादोंमोन। अदेबानि बे सावथुनखौ अटिटि प्लेटफर्मआव आमेजन प्राइम भिडिअयाव रिलिज खालामबाय। जुदि नोंथांमोनहा थियेटारआव बेखौ नायनो मिस खालामब्ला दा न'आव जिरायनानै बै समाइना सावथुननि गोजोन्नायखौ लानो हागोन। सावथुननि सल'खौ नासिर शेखनि जिउनि सायाव बिथा खालामनाय जादों। नासिरआ सावथुनखौ मालेगावनि सुबुंफोरनि थाखाय मिजिं आरो खुसि जानायनि लामा बानायदों। बिथाडा लोगोफोरजों जयै लोगो नांनानै गावनि सावथुनखौ बानायो आरो बेनि गेजेराव माखासे जेंनाजों

भुगिनाडो। सावथुना खालि सिनेमा बानायनायनिल' सल' नड, बेयो लोगो, मिजिं आरो सिमांखौ आबुं खालामनो नाजानायनि समाइना नुथायखौ दिन्थियो। सुपार बयज अफ मालेगाव सावथुनाव आदर्श गौरभ, भिनित कुमार सिंह, शशांक अरोड़ा, अनुज सिंग दुहान, साकिब अयुब, पल्लभ सिंह आरो मन्जरि बायदि समायना फावगिरिफोर बिफाव होदों। सावथुनखौ रिमा कागति, जया अख्तर, फरहान अख्तर आरो तिरेश सिधवानीआ प्रडिउस खालामदों। बेयो आमेजन एमजिएम स्टुडिजनि अरिजिनेल सावथुन, जायखौ एक्सेल इन्टारटेन्मेन्ट आरो टाइगर बेबीआ जयै लोगो नांनानै बानायदों। सावथुननि स्क्रिप्टखौ भरुण ग्रभरआ लिटरदों। बे सावथुना

## हारि आरो सोलोंथाइनि सायाव बिथा खालामनाय' फुले' सावथुना

फुले सावथुना गोबाव समनिफ्रायनो खौरांआव थानानै दं। गिबियाव सावथुनखौ लानानै जे'ना सोमजिदों जायनि जाहोनाव रिलिजनि अक्टखौबो फासयनाय जादों। नाथाय दा गमामायैनो फुले सावथुना सिनेमा हलफोराव रिलिज जाबाय। 25 एप्रिलखालि सिनेमा हलफोराव नुजाथिनाय सावथुन फुले इमरान हाशमी स्टारनि सावथुन ग्राउन्डजिर'जों लोगोसे बादायलायनाय बायदि



जादों। आनान्त महादेबनि बिथोन होनायाव बानाय जानाय फुले सावथुनखौ लानानै

गोबाव समनिफ्रायनो जे'ना सोलिगासिनो दंमोन। मानोना बे सावथुना हारि आरो

## कार्तिक आर्यानआ फिन रमान्टिक सावथुनआव फाव खालामनो थियारि जादों

हरर सावथुन भुल भुलैया 3 आव दोहौ सोमजि होनाय कार्तिक आर्यानआ आथिखालाव हरर जनारखौ जानगार खालामनानै रमान्सआव फिन दोहौ सोमजिहोनो थाखाय थियारि जादों। फावखुंगुरखौ आशिकी 3 सावथुनाव फिन नुजाथिगोन होन्नानै गोबाव समनिफ्रायनो खोनानो मोन्दोंमोन। अनुराग बासुआ आरोबाव मोनसे रमान्टिक सावथुनजों लोगोसे बिथांखौ गिदिर पडोंआव लामोगासिनो दं। बेनि गेजेराव कार्तिकनि आखायाव आरोबाव मोनसे सावथुन फैदों। कार्तिक आर्यानआ आथिखालाव जाय गेदेर बिथोनगिरिजों लोगोसे

## गावनि समाइना एक्टिं आरो नाजानायजों इन्डास्ट्रियाव मोनसे जर'खा जायगा लानो हादों अक्षय कुमारआ



ब रिल उ ड नि 'खिलाडी' अक्षय कुमारआ गावनि समायना एक्टिं आरो खस्थ'जों इन्डास्ट्रियाव मोनसे जर'खा जायगा बानायनो हादों। एक्सन, कमेडि, रमान्स एबा समाजयारि आयदा गोनां सावथुनफोर, अक्षयआ मोनफ्रोम एक्टिखौ गोसो होनानै खालामो नाथाय जेसेबां बिथांखौ बाख्नायनाय जादों, एसेबां खेबनो बिथांआ सावराय जानायबे जादों। अक्षय कुमारआ गोबां खेब जाफुंसार जानो हायैनि सावथुननि थाखाय सावराय जानाय जादों आरो



खामानि मावनो नागिरदों, बियो बे सोलिफु बोसोराव 600 कौटि रं आरजिनो हानाय सावथुनखौ बिथोन होदोंमोन। जों सावरायगासिनो दं लक्ष्मण उतेकरनि बाश्त्रा, जाय बिथाड

‘छाभा’ सावथुनखौ बानायदोंमोन। जारिमिनारि सावथुन होनायनि उनाव लक्ष्मणआ मोनसे रमान्टिक सावथुन बानायनो नागिरदों, जायनि हिर'आ कार्तिक आर्यन

जागोन। भिड डेनि बायदिब्ला, लक्ष्मण उतेकरनि फैनो गोनां सावथुननि सल'नि सायाव खामानिया सोलिगासिनो दं। बिथानि रमान्टिक ड्रामायाव मोनसे गोथौ सल' थागोन, जाय बिथानि थानाय सावथुन'लुका छुपि'आव गैयामोन। बेयो मोनसे इन्टेन्स रमान्टिक ड्रामा जागोन। लक्ष्मणआ लुका छुपि

## राफोद फावखुंग्रि जिनत आमनआ 73 बोसोर बैसोआव हार्सिं जिउ खुंनादों



गावसिनि समनि मुंदांखा फावगिरि जिनत अमानआ जेब्लानिफ्राय सशेल मिडियाआव एन्ट्रि जादों बे समनिफ्रायनो बिथाडा सानफ्रोमबो मोनसे नड मोनसे पस्ट खालामनानै अन्साइगिरिफोरजों लोगोसे लोब्बा थायो। नाथाय थानाय माखासे समनिफ्रायनो बिथाड ब्रेकआव दंमोन। आथिखालाव गमामायैनो बिथाडा

फैफिनबाय आरो गावनि हेल्थ आपडेट होदों। जिनत अमानआ सशेल मिडियाआव मोनसे पस्टनि गेजेरजों गावनि रिक्भारि जानायनि आपडेट होदों। बिथानि देहाया मोजां नडामोन जायनि जाहोनाव बिथाड देहा फाहामसालियाव थानो गोनां जादोंमोन। बिथाड देहा फाहामसालिनिफ्राय मोत्थाम सावगारिफोर शेयार खालामदों। मोनसे सावगारियाव बिथाडा सोरखौबा नायनानै आसि थुदों। गुबुन मोनसे सावगारियाव बिथाडा गावनि मेगनाव आखाय होदों। थामथि सावगारियाव बिथाड बेडआव जिरायनायमोन। बे सावगारिफोरखौ शेयार खालामनानै जिनत अमानआ केप्सनआव लिरोदि, रिक्भारि रुमनिफ्राय गासैबोनिसिम हेल'। आं नोंथांमोनखौ बेखौ सान्नायनि थाखाय दाय फोनांनाय नड जे आं आनि सशेल मिडिया एस्पिरेशनखौ नागारबाय। कुर्बानि सावथुननि फावखुंग्रि या आरोबाव बुंबावोदि, थानाय माखासे सप्ताहनिफ्राय आं लेखा बिलाइनि खामानिफोरनि मेंनाय आरो मोनसे पेन्डिं मेडिकेल प्रसेसनि जिंगायाव गोर्गलैनानै दंमोन, नाथाय जेब्ला आं बे मोन्दांथिनि गुबुन मोनसे जे'नाजों भुगिनाडो अब्ला आं इन्सटाग्रामआव सल' खे'नास'हे'नायखै सोलिलांहोबाय थानो थाखाय थुलुं गाखांनाय मोन्दों। जिनतआ बेखौबो मिबथि बिथानि गारियाव ड्रांस मोन्नायनि उनाव बेखौ जब्द' खालामनाय जादों। सावथुनाव शभना आरो फरहान फासिआबो गाहाइ फावआव दं।

## ‘एल 2 एम्पुरान’ सावथुन जाफुंसारनायनि उनाव महनलालआ अन्साइगिरिफोरनो आरोबाव मोनसे अन्थोब होदों



साननि रां आरजिनाय अन्जिमायाबो सोरांआव फैबाय। फिसा बाजेटआव थियारि जानाय

बे सावथुना बक्स अफिसआव मोजां कालेक्सनजों जागायनो हादों। थुडारामजों फावखुंगुरआ

मामुटिनि सावथुन बजुकाफि रेकर्डखौ सिफायदों आरो 2025 आव नैथि बयनिखुइ मोजांसिन

सोलोंथाइनि सायाव बिथा खालामनाय। नाथाय उनाव सेन्सार बर्डआ बेखौ रिलिज खालामनो बिथोन होयो। सावथुना सिनेमा हलफोराव नुजाथिबाय, नाथाय ग्राउन्ड जिर' एबा जाट-केसरी चेप्टर 2 बायदि सावथुनफोरखौ उन फारसे खालामनायाव जाफुंसार जानो हायाखै। सुलुंनि बायदिब्ला, प्रतिक गाग्नि स्टारनि फुले सावथुनआ नख'रारि बक्स अफिसआव नेट कालेक्सना 21 लाख रॉल'

थादों। अदेबानि वर्ल्डवाइड कालेक्सना 24 कौटि रं जादों। नाथाय बेयो जागायजेन्नाय अन्जिमासो। थार अन्जिमाया बेनिखुइ बाडाइ एबा गोबांबो जानो हागौ। फुलेनि सायाव ग्राउन्ड जिर'आ गोहोम गोलैदों। सैथो सल'नि सायाव बिथा खालामनाय इमरान हाशमीनि सावथुना गिबि सानाव फुले सावथुननिखुइ बांसिन रां आरजिदों। रिपर्टनि बायदिब्ला, सावथुननि कालेक्सना 1 कौटि रां थादों।

थानाय सप्ताहनैनिफ्राय 'जाट' सावथुन आरो सप्ताहसेनिफ्राय केसरी चेप्टर 2 आ बक्स अफिसआव जायगा आवग्रिनानै दं। मख'नो गोनांदि, 16 थि सानाव सानि देअलनि 'जाट' सावथुना नख'रारि बक्स अफिसआव फुले सावथुननिखुइ बांसिन रां आरजिदों। गासै कालेक्सना 90 लाख रां थादों। गुबुन फारसेथिं केसरी चेप्टर 2 आ दाइनथि सानाव 4.15 कौटि रॉनि कालेक्सन खालामदों।

## गेलेमु मन्थि मान्डीभियाआ अलिम्पिकनि बागै फोरमायदों

गोदान दिल्ली, 26 एप्रिल: यगाखौं मुलुगनां थाखोनि गेलेमु फोरमायनानै भारतआव बेनि अनसायजानायखौं फोरमायनानै बिथाडा बेखौं थाबै नो अलिम्पिक आव नुनो मोनगोनखौं मिर्जिंथि लादों। नैथि एसियान यगासन सेम्पियनसिप बेखेवनाय समाव बिथाडा यगानि थाखाय भारतनि फोथारआव जर'खा जायगा थानायखौं फोरमायो। जेराव बोसोरफ्रोमबो भारतनि हायाव यगानि इभेन्ट खुंफुंजानायखौं गोजोन्नाय फोरमायो। सिगां फार्से बिथाडा मुलुगनि गुबुन गुबुन हादरफोराव थानाय यगा फेडोरेसनसिम अलिम्पिकआव बेखौं सोफानो थाखाय जुथायै हाबा मावनायनि बाश्ना बुडो।



जेराव सिगां फार्से बिथाडा यगाआ थाबै नो मुलुगनां फोथारआव जौगायोब्ला बेखौं अलिम्पिक गेलेमुनि थाखाय प्रेक्स्स खालामनो खावलायगोननि खोथा होयो। गेलेमु मावख' आरो स्पर्ट्स अट'रिटि अफ इन्डियानि मददजों फैगौ 25-27 एप्रिलनि गेजेराव इन्दिरा गान्धी इन्डर स्टेडियमआव नैथि एसियान

गुवाहाटी, 26 एप्रिल: ए ए टि ए - ए आ इ टि ए सेम्पियनसिप सिरिज टेनिस टुर्नामेन्टआ गुवाहाटी नोगोरमानि अल आसाम टेनिस एस'सिएसन कमप्लेक्सआव जाफुंसरै जेबलांबाय। जेराव हिन्जावसा आरो हौवासाफोरनि इभेन्टआव चान्दग्या आरो आन्याआ मोजाडै दिन्थिफुंदों। हौवासाफोरनि आन्डार-14 केटेगरिआव चान्दग्या पाठकआ आसामनि जानानै सिंगेल्स आरो डाबल्स इभेन्टआव मेडेल देरहादों। जेराव सोनाब बंगनि आन्या बिस्वासआबो हिन्जावसाफोरनि आन्डार-14 सिंगेल्स आरो डाबल्स



इभेन्टआव गंनै मेडेल देरहादों। बे इभेन्टनि बान्था रान्नाय हाबाफारिआव एएटिएनि नेहाथारि अंकुश दत्त आरो रां दोन्थुमगिरि सनिल बरखकुरआ

बान्थाखौं रानफै दों। हौवासाफोरनि आन्डार-12 आव सोनाब बंगनि इकालाभ्या रयआ आरियान भरालीखौं 6-4, 7-6 स्करआव फेजेन्दों।

जेराव आसामनि गेलेगिरि भरालीआ बेनि गाग्लोबनायाव गिबि सेटआव फेलें जादों। हिन्जावसाफोरनि आन्डार-12 आव आसामनि दयाना मरांआ

राइज्योनिनो फागुनज्यतिखौं 6-3, 6-2 स्करआव फेजेन्नानै बिमुं देरहादों। हिन्जावसाफोरनि आन्डार-14 डाबल्सआव नबनिता दत्त आरो आन्या बिश्वासनि सोनाब बंगनि हान्जाया आसामनि दनिस्का महन्त आरो सोनाब बंगनि इभाना आरड्डानि जराखौं 3-6, 6-2, 10-3 स्करआव फेजेन्नानै बिमुं देरहानो हादों। हौवासाफोरनि आन्डार-14 डाबल्सआव आसामनि अनिरबान डेका आरो आरियान भरालीआ राइज्योनिनो रहमान आरो धनुश महन्तनि जराखौं 6-2, 6-3 स्करआव फेजेन्नानै बिमुं देरहादों।

## वर्ल्ड रिलेआव एएफआइआ हौवाफोरनि 4X400 मिटार रिले हान्जायाव सोलायनाय लाबोदों



गोदान दिल्ली, 26 एप्रिल: भारतआ चीननि गुआंझुआव 10-11 मेनि गेजेराव जानो गोनां वर्ल्ड रिलेनि थाखाय हौवाफोरनि 4X400 मिटार हान्जायाव सोलायनाय

लाबोदों। जायनि फारिआव पेरिस अलिम्पिकआव मोजाडै दिन्थिफुंनयाव फेलें जानाय हान्जानिफ्राय सासेल' गेलेगिरिआ जायगा मोन्दों। भारतीय एथलेटिक्स

फेडोरेसननिफ्राय दैथायहरनाय वर्ल्ड रिले हान्जायाव सन्तष कुमार तामिलारचनखौं नागान्तानै गुबुन गोदान सोद्रोमाखौं जायगा होदों। जायनि फारिआव धर्मबीर चौधुरि, रिन्स जसेफ, तुषार

कान्ति, जय कुमार, महित कुमार, टिएस मनु आरो टिके बिशालखौं जायगा होदों। खोला करियानि गुमीआव 27-31 मेनि गेजेराव जानो गोनां एसियान एथलेटिक्स सेम्पियनसिपनि थाखाय सा-8 सोद्रोमानि हौवाफोरनि 4X400 मिटार रिले हान्जाखौंबो फोसावनाय जाबाय। जेराव बिशाल, जय कुमार, मनु, धर्मबीर आरो जसेफआ कचिआव जालानाय फे डारेसन कापआव हौवाफोरनि 400 मिटार फाइनालआव बाथि नम्बरआव थादों। जेराव तुषार महित आरो तामिलारचन आरो सेमिफाइनालाव खारदोंब्लाबो फाइनालाव सौहैनो हायाखै।

## महम्मद स्वामी आरो कलिल आहमेदआ जुथायै जारिमिन सोरजिदों

गोदान दिल्ली, 26 एप्रिल: चेन्नाइआव जालानाय चेन्नाइ सुपार किंस आरो सानराइजार्स हाइड्राबादन मेचआव सिगांनि समाव बे फोथारआव थिसनजायै जारिमिन जानानै थाडो। जेराव बे रेकर्डखौं सिगां समाव हाइड्राबादन महम्मद स्वामीआ खालामनायनि उनाव सिएसकेनि कलिल आहमेदआबो थालादों। हाइड्राबादन के प्तेन पेट कमिन्सआ टसआव देरहानानै गिबियै बलिं खालामनो थिरांथा लादों। जेराव मेचनि गिबि बलार महरै महम्मद स्वामीआ गिबि बलआवनो चेन्नाइनि मुंदांखा



बेट्समेन शेख रशिदखौं उइकेट लादों। महम्मद स्वामीआ इनिंसनि गिबि बलआवनो

दासिमआव 4 उइकेट लाबाय। गिबि बलआव उइकेट खोमानांनय उनावबो बे

मेचआव चेन्नाइआ 154 रनसिम सौहैदों। जेराव मोनसे बल आद्रा थानायजों अलआउट जादों। बेनि

## गुवाहाटी स्पर्ट्स एस'सिएसनआ 67 थि फाउन्डेसन डे फालिथायखौं फावसायबाय



गुवाहाटी, 26 एप्रिल: गुवाहाटी स्पर्ट्स एस'सिएसनआ गावसोरनि 67 थि फाउन्डेसन डे फालिथायखौं फावसायबाय। जेराव बे फोर्बोंखौं शुक्र बारखालि खुंफुंनो गोनांमोन। पेहेलगामआव

जालानाय उतखारि गाग्लोबनायनि सायाव दुखु मोन्नाय फोरमायनायजों लोगोसे जाथायनि सायाव सौंखारिनानै एस'सिएसनआ बे फोर्बोंखौं उननि समाव फोसावलाइनि गेजेरजों फोरमायफिनगोननि

खोथा होदों। बेनि सायाव एस'सिएसननि नेहाथारि देबजित शइकियाआ जेब्लाबो गावसोरनि गोसो आरो मददआ बाउसोमनांनय नख'रजों थाफागोननि खोथा होदों आरो नोगोरारिफोरनि सायाव

उतखारिनि बेबादि गाग्लोबनाया सौंखारिथाव होन्नानै फोरमायो। जायनि थाखाय बिथाडा एस'सिएसननिफ्राय बेनि सायाव जेब्लाबो सौंखारिदों होन्ना फोरमायो। जिएसए सिनियर डिस्ट्रिक्ट क्रिकेट हान्जाया खुंजानो गोनां नुरउद्दीन आहमेद ट्रफि मेचआव फैगौ 26-27 एप्रिलखालि गोखों गोहोजों ओं खारगोन। जेराव एस'सिएसनआ उतखारि गाग्लोबनायाव जिउ गोमानांनय सोद्रोमाफोरनि थाखाय गासैबो राइज्योनि क्लाब आरो सोद्रोमाखौं इसोरनिसिम 1 मिनिट आर'ज खालामनो खावलायहरदों।

उनाव हाइड्राबादआ बे टर्गेटआव बेटिं खालामदों। जायनि फारिआव ट्रेभिच हेड आरो अभिषेक शर्माआ बेटिं खालामदोंमोन। बे इनिंसनि समाव कलिल आहमेदआ बलिं खालामदों। जेराव बिथाडा गिबि बलआवनो उइकेट लानो हायाखैब्लाबो नैथिआव अभिषेक शर्मानि उइकेट लादों। जेराव बे समसिमआव हान्जाया मोनबो स्कर लानो हायाखैमोन। बेबादि दिन्थिफुंनयजोंनो चेन्नाइआव गिबियै मोनबो हान्जाया रान लानो हायालासे उइकेट खोमानांनय आइपिएलनि रेकर्ड सोरजिदों।

## ट्राइ सिरिजनि गिबि मेचआव भारतनि सासे आइजो गेलेगिरिआ खाबु मोन्नो हागौ



गोदान दिल्ली, 26 एप्रिल: भारतआव आइजोफोरनि वर्ल्ड काप 2025 आ खुंजानो बार गोबाव सम गैलिया। जेराव बेनि

थाखाय मोन 8 हान्जाफोरा क्वालिफाइबो जाबाय। बे टुर्नामेन्टनि थियारिजों लोब्बायाव भारतनि आइजो गेलेगिरिफोरा

ट्राइ सिरिजआव श्रीलंका आरो खोला आफ्रिकानि हेंथायै गेलेगोन। बेनि थाखाय भारतनि हान्जाया फारफ्रोमथिबो थियारि जादों। जेराव गाबोन 27 एप्रिलखालि भारतआ कलम्बआव गिबियै ओंखारगोन। बेनि सिगां बावैसो वेस्ट इन्डिज आरो आयारलेन्डखौं फेजेन्नाय भारतआ बे खेबआवबो फारियै देरहानाय अभियानखौंनो लाखिनो नाजागोन। जेराव स्मृति मन्थनार्जों लोगोसे पृतिका राउलखौं अपेनिं खालामनय नुनो मोन्नो हागौ। मानोना पृतिकाआ थानाय माखासे समनिफ्रायनो मोजाडै दिन्थिफुंगासिनो दड। जेराव थामथि नम्बरआव हरलीन दयलआ खाबु मोन्नो हागौ। बैथि नम्बरआव के प्तेन हर्मनप्रीटआ ओंखारनो हागौ। जेमिमा रड्डिएजआबो प्लेइ 11 आव जायगा मोन्नो हागौ। जेराव उइकेट किपारनि बिबानखौं त्रुषा घषआ लानो हागौ। मख'नाय जायोदि, भारतनि थाखाय आन्डार-19 नि बिमुं देरहानाय कास्वविभ गौतमआ आइजोफोरनि प्रिमियर लीगआव मोजाडै दिन्थिफुंनयनि फिथाइ महरै बे सिरिजआव डेब्युनि खाबु मोन्नो हागौ। बिथाडा प्रिमियर लीगआव 6.45 इकनमी रेटजों खेब 9 मेचआव 11 उइकेट लानो हादोंमोन।

## डाइमन्ड लीगआव वर्ल्ड रेकर्ड थिसनो वारहल्मआ थियारि जाबाय



बेइजिं, 26 एप्रिल: हौवाफोरनि 400 मिटार हाईल वर्ल्ड रेकर्ड हल्लार कारस्टेन वाहल्मआ फिन गोदान वर्ल्ड रेकर्ड थिसनो थाखाय जान्जि खाफ्रादों। जेराव बिथाडा डाइमन्ड लीग 2025 आव गोदान गेहो लाबोनानै जानो गोनां बे इभेन्टआव मोजाडै दिन्थिफुंनो नाजागोननि

थिसनो नाजागोन। खौरंगिरिनि मोगा-मोगिआव बिथाडा इन्डर सिजनखौं एंगारनानै बेनि सोलायै ट्रेनिंआव गावनि नांथाबनायखौं फोरमायदों आरो बेजों गावनि गोसोआव गोदान गोहो लाबोनानै जानो गोनां बे इभेन्टआव मोजाडै दिन्थिफुंनो नाजागोननि

फोथायथि होयो। नर्वेनि गेलेगिरि वारहल्मआ गावनि 300 मिटार हाईल वर्ल्ड रेकर्ड सम 33.26 सेकेन्ड समखौं बे खेबआव सुद्रायनो नाजागोन। पलड भाउल्ट गेलेगिरि आर्मान डुप्लान्टिसआबो बेनि थाखाय गावनि थियारि जानायखौं फोरमायदों। जेराव बिथाडा थानाय खेबआव गावनि दिन्थिफुंनयनिफ्राय फिन साबसिनै दिन्थिफुंनय होनो नाजागोननि फोथायथि होदों। डाइमन्ड लीगआ फैगौ 29 एप्रिलनिफ्राय जागोन। जेराव बेनि फाइनालआ जुरिकआव 27 आगस्ट आरो 28 आगस्टआव जाहैगोन।